

後村居士集

三

後村居士集卷第八

詩

送權郡詹通判

鎮靜一如無頽條甫月餘來惟居傳舍去不識兵厨健
判風生筆精祈雨灑車丈夫何必假行矣兩輪朱

再題鍾賢良詠歸堂

伏戲以來凡幾年六經之外凡幾書人間簡冊渺烟海
君以約法包無餘往年華轂臨敝廬舌端霆卷俄電舒
平欺賈董等下駟冷笑服鄭真蠹魚千詢萬扣答如擊
捫腹始媿吾空虛伯高辟易季度走六論三策何時據
又言諸子皆丈夫經筵武庫隨所須觀君毛骨老猶爾
惜也未見雛與駒方今主相求極諫君曷不携軾轍俱
自云素鄙從橫學尚友洙泗談古初堂堂冕輅豈不好
却慕點也寧非迂行當端委秉周禮未可春服從魯儒

送洪使君

雖擁朱轡貴清臞兩鬢霜判花人競誦詩草士深藏農
飽因蠲賦州負為採荒公歸無媿面應可見嚴光

送陳魯叟使君赴廣西漕

闕郡留無計匆匆奪父師使君三月政遺老百年思遠
宦生華髮輕裝載舊碑海山應有恨未得謝公詩

韓杜曾遊處君行得細尋那知燈燭裏忽有福星臨竭
海求珠蚌搜山採翠禽定將冰與箨一洗濁夫心

永嘉黃九萬見訪

避暑惟高卧柴門閉不通子來佩明月予起濯清風有
墅猶當贈無城可得攻靈舒如見問今作灌園翁

別宋斌文叔

天下書無數君專治四書因留精舍久遂向舉場踈山
路挑包去秋風罷講餘故園荒草合似欠一番鋤

熊主簿示梅花十絕詩至梅花已過因觀海棠

輒次其韻

萬葉千葩染似紅停盃無語恨東風薄寒且為花愁惱
何況開時值雨中

紅點霏霏似撒沙荒園幻作五侯家自憐改盡青青鬢
無力栽花且看花

幾樹繁紅映碧灣苧蘿山下見芳顏分明消得黃金屋
却墮荒蹊野徑間

顛風猛雨阻追攀欲問春留數日間過眼紅雲成白雪
到晴祗恐沒花看

梅太酸寒蘭太清海棠方可入丹青趙昌骨朽徐熙死
誰寫春風上錦屏

特以穠纖壓衆芳
癡人癡殺恨無香
問渠嫵媚房櫳裏
何似莊嚴几研傍

共倒殘尊過日西
重來花事想參差
建陽主簿今才子
焉可無詩補杜詩

歸騎何須抵死催
且拈落葉藉蒼苔
平生酷喜坡長句
筆力今誰可奪胎

暮雨廉纖似入梅
一春花月欠攀陪
草生後圃深三尺
也道身爲縣令來

海棠洞下醉忘歸
歲月如馳不可追
想得千株今合抱
此生未卜再遊時

再和十首

色深不擣守宮紅
片細俄隨蛺蝶風
到得離披無意緒
精神全在半開中

薔薇難比況金沙
一種風標富貴家
我有公評君記取
惜花須惜海棠花

千株絳雪照滄灣
應笑劉郎帶老顏
尚有少年情味在
戲搜綺語續花間

鳳州宮柳昔曾攀
亦醉瓊花芍藥間
獨有海棠心未足
每逢多處必來看

別園水竹絕幽清
花徑繁紅鮮砌青
何處貴游開步障

誰家生色畫深屏

徙倚溪亭惜墜芳恨無異域返魂香殘枝併恐風吹去
挿在金瓶置坐傍

忽憶聯鞍過水西重尋前約未參差祇愁人議風流罪
屢出看花數賦詩

淡賞無煩羯鼓催解鞍便可坐莓苔莫將花與楊妃比
能與三郎作禍胎

旋挑野菜拾青梅又向花邊得暫陪各選一枝簪白髮
明年知與阿誰來

君憶東湖不久歸我思陳迹恍難追殷勤爲報鶯花說
止有詩情似舊時

水心先生爲趙振文作馬塋歌次韻

洛陽牡丹隔萬里棘荒姚魏扶不起馬塋近在杭州陌
野人只向詩中識勻朱傳粉初窺墻海棠爲屋辛夷房
千林春色已呈露一株國艷猶悶藏多情荀令香透袖
俊遊恐落都人後搖鞭深入紅雲鄉解衣旋貰黃騰酒
淮南芍藥初過兵人生何必塞上行隊裊委壤各有命
肯學凍士鳴不平移家欲傍園翁住手開蕪地通蘋渚
尋芳栩栩趁蝶飛逐臭紛紛憐蚋聚君不見玄都吟筆
妙燕許詩人却遣世人怒君若擊舟獨往時我亦荷鋤

贈高九萬并寄孫季蕃二首

諸人凋落盡高叟亦中年行世有千首買山無一錢紫
髯長拂地白眼冷看天古道微如綫吾儕各勉旃
菊磔說花翁飄蓬向浙中無書上皇帝有句惱天公世
事年年異詩人箇箇窮築臺并下榻今豈乏英雄

題何秀才詩禪方丈

景建談之子詩禪丈室寬能將鉛槧事止作葛藤看壞
衲蒙頭易玄機得髓難何因清夜話分我一蒲團

挽邵武洪倅

不識監州面聞名似舊知空餘商榷恨竟失合并時昔
作大蘇客今觀小謝詩西風丹旆過一為士林悲

挽夔漕王中甫二首

羽書堆裏挾遺編往古來今盡粲然白髮晚持川口節
丹旌暑下峽門船生前多半遊榆塞身後纔方領木天
老去一雙懷舊淚誰知滴向建溪邊

半瓢丹藥一印枝萬里西來撫事悲綬着藏中公事定
劍鳴匣內我年衰可憐檄筆今零落尚記綸巾共指麾
身在滄洲搔白首斷腸吟就八哀詩

挽葉潛仲運幹

知剛二首

雖出自貂蟬清貧雪滿顛若無槐簡後一似布衣然
父遺編絕藏深拱壁全悲乎如此士不貴又無年
俱入平蠻幙同登出嶺舟交情傾蓋盡世事闔棺休
致生芻去家惟斷藁留遙知風雨夜愁絕老參謀

送熊主簿

邑事多商榷惟詩未暇論毋慈催扇枕父老謾攀轅
新戍謀何地初程宿某村西風有來鴈書札儻相存

送徐夏叔

昔與長君親今方識少君極知皆造理何止並能文
讀照湘中雪吟開嶽頂雲老余才思竭搔首念離羣

和荅北山

北山當代文章祖孔思周情幸未泯弟子力疲心尚在
先生齒宿意逾新今無斲鼻成風手古有埋腰立雪人
不向師門勤稽首一生懷抱對誰伸

挽樓暘叔二首

白首臨凋瘵藎益似舊時僅持一麾止安用五車爲庫
有留州賦家無葬地資空餘清儉字長使郡人思
平生所歷最崎嶇不覺周南歲月深拙宦元無金潤屋
悼亡新有雪盈簷淒淒德曜齊眉按草草黔萎覆首余
曾忝郡民漸教化眼看雙旒一沾襟

勞農二首

江浙膏腴動渺然惟聞磽薄少平川可憐老子扶凋邑
絕似吾民墾瘠田稍喜一犁翻宿雨聊爲三爵禮高年
太平主相調元氣春在桑畦麥壠邊

畫簷一夜雨飄蕭際曉陰霾掃碧霄有日暫看旗脚展
無風初覺鼓聲調紛紛竭作趨南畝稍二新粧出北橋
白髮長官塵土殺尚能覓句補風謠

荅惠州曾使君韻二首

瀟灑使君風度峻神仙謫墮在人間只今坐歎凝香麈
帝賜羅浮作鎮山

先賢平易以觀詩不曉尖新與嶮竒若似後儒穿鑿說
占人字字摠堪疑

送參議滕告院挂冠

由來恬退士史冊亦稀疎唐有楊少尹漢惟疏大夫翁
能辭祿去我欲殺青書今世無名筆誰爲寫作圖

挽建昌詹使君二首

又民

南渡釣樞後宣和節義門依然窶人子不似貴公孫苦
李無誰採甘棠在處存遙知官遊地巷哭更招魂
稍喜佩銅魚遭迴四紀餘早無人料理晚有鬼揶揄把
酒言猶在疑香夢竟虛斯人止如此恐坐太清臙

和葉尚書解印二首

郡人不識疾呼聲，甘雨和風徧一城。歲久偏多遺愛事，天高未察借留情。舟行精舍漁歌晚，家近華亭鶴唳清。莫比歸雲并倦翼，先生此念素來輕。

倦入承明聽履聲，朱轡今復厭專城。盪習太華供吟興，照眼伊川洗宦情。尊簞尙慙高士決，琴龜不減昔賢清。未應便葺東山墅，出處方關世重輕。

送葉尚書奉祠二首

先生清夢繞林泉，黃紙除書拜地僊。報答吾君吾相了，徜徉某水某丘邊。事光白傅求閑後，銜似溫公約史年。

溫公領崇福祠十五年

笑向故山後鶴說古來晚節幾人全

身於七邑最孤寒，每辱黃堂刮眼看。乍可郡無九年蓄，要令民受一分寬。公開去伴種司諫，我懶思尋靖長官。曾出龍門稱弟子，感知惟有寸心丹。

挽盧母黃太孺

少逆之妻

太孺賢聲衆論推，府君經學里人師。牛衣隱約能偕老，螢火淒涼自課兒。疇昔黃齏曾自甕，只今丹桂已雙枝。烏窠盧母哀榮甚，何必人題墓上碑。

寄熊主簿

一出懸知計已非，更堪留滯未成歸。即今白首負松菊，

何處青山無蕨薇不恨老從中歲至但悲裏與素心違

傳華有當齋取會計當之義朱文公書扁

寄徐夏叔

曾識徐卿二子竒秋來往往夢瓊枝明時莫作沉湘賦
暇日應題望獄詩主愛客卿寧忍舍兒嗟子季若為思
湖南歲晚多迴雁頻寄書歸別離

贈趙鑿立之

世鑿多孟浪趙子獨專精術穩常無誤能高素有名方
書真爛熟裘馬極鮮明白笑貧兼病將何贈宋清

與北山陳龍圖

小兒膽大說文章螢火難爭兩曜光侍講先生今寂二
龍圖老子尚堂二鄰無羊仲并求仲家有元方與季方
想見瘦梅疎竹下深衣如雪鬢鬢蒼

答陳龍圖

耆舊凋零尺吾猶及太丘且云清易挹自是廣難周尚
綱煩翁教書紳到老休何由陪几杖共看海山秋

和趙吉州三首

李者當窮理工詩豈美名不能禪采訪徒自取譏評責
已希韋孟休官慕尚平如今成病鶴垂首噤无聲

惟悴東陽今區二謾自疲斷無問牛智寧受放魚欺儉

陋交游笑低平父老知向來子元子髮髯是吾師
今代廬陵牧蒼生屬意深曾中絲補衮肘後藥成金僕
自操齊瑟公宜和舜琴篝燈精舍裏何日共論心

挽傅諫議二首

昔事 先皇帝堂二立玉墀進懷伏蒲疏退誦考槃詩
哀郢遺言切憂周素髮垂它年耆舊傳此筆屬諸誰
今上龍飛始先生驛召頻頗聞曾草疏終不就蒲輪勘
破邯鄲夢抽回洛社身也令千載下知世有全人
憶昔南山寺微言叩未終晚猶溫薦語病尚寄書筒駿
廐誰收我墓陵合殉公春風溪上淚還與海潮東

寄一徐

珍重渠家大小君分明二陸是前身遙知洛下傾城看
錦樣文章玉樣人

答留通判元崇

不見龍驤與驥馳紛二 蟲豸鬪蛛絲君侯傑出南方者
老僕終當北面之憶玉樹枝勞遠夢熏薔薇水讀來詩
自慙眼力非閑令紫氣浮空懼不知

以王家酒寄陳北山得二絕句謂酒味不如舊
日之勁峭用韻二首

先生詩酒令俱嚴一掃哇蕪與雨帘戶大才高令吏部

故應笑小更嫌甜
醇醪易入醉人鄉
勁酒難逢醒者嘗
王媪區區一真小點
隨時增損甕中方

和北山一首

幅巾高蹈挹洪崖
閑灑銀鉤著玉杯
文律不論先漢後
詩源遠自國風來
却愁小子方攻母
未必吾師肯鑄回
極欲去修床下拜
扁舟歸夢繞南臺

送建安鄭尉

路人能說尉壹似
建溪清寸錦不携去
束書相伴行無心
干峯將有面見賢
兄應笑東陽令淹留
白髮生

荅范叔範

闊矣別離久
颯焉顏髮蒼
殷勤大范子
問訊老劉郎
渴睡添新懶
清談減昔狂
今無望氣者
寶劍且深藏

送楊休文

寂寞鯨翁拚懸齋
吏傳刺字睡驚回
自從黃鶴仙人去
誰遣青牛道士來
適夢羽衣良有徵
共吟石鼎愧無才
殷勤問訊西山老
何日山中伴訪梅

荅羅天驥

乃祖曾吞鳳
郎君豈後身
頗聞精選理
何必慕唐人
玉麈王夷甫
烏條呂洞賓
客談溪野勝
終擬卜比鄰

太守林太博贈瑞香花

一樹婆娑整復斜使君輟贈到田家自慙蘊牖繩樞子
不稱香囊錦傘花小借煖風爲破萼旋饒新水待抽芽
丁寧童子勤封植留與甘棠一樣誇

再和

壤徑泥深古檻斜居然幻作貴游家小亭自課僮鋤草
空室俄驚女散花便覺麝囊無遠韻頻挑蟻蠹有新芽
紫微紅藥催公去獨許詩留野老誇

三和

吏散庭空戟影斜吟牋飛到野人家隋珠和璧難酬價
禪榻茶甌忒負花譜欠名人爲品藻詩因尤物始萌芽
近公匹似熏班馬荀令風流未足誇

四和

吟諷攀翻到月斜衆驚可寶聚貧家高才盍視宮中草
退士聊看屋角花未必園丁請樹性更愁墨客笑薑芽
畫堂金鼎熏蘭麝豈有天然韻可誇

五和

幾點朝來小雨斜未應造物妬山家陡驚春報千林信
擬問天留數日花寫物祇今須老筆染根何處有靈芽
彩雲過眼真如夢著意追摹豈好誇

六和

搦筆蕪辭字半斜情知見笑大方家放教吉甫獨哦句
除却微之誰別花勾引親朋需果核隄防風日損根芽
玉津應制須公等林下樵歌敢自誇

七和

短牋小草墨痕斜句法來從和靖家吟賞豈無神助筆
護持疑有物司花莫因山鳥啼榕樹便憶河豚飽莢芽
多少邦人沾賸馥願碑遺愛永傳誇

和趙南塘離支五絕

側生海畔遠難將風日尤能變色裝借問驛馳丞相府
何如輦致道山堂

却貢無因送上天漫山如錦但堪憐羅浮所產真奴隸
只為曾逢玉局僊

十顆千錢品最珍北人鮎背未濡脣若生京洛豪華土
買斷丹林肯筭緡緡玉盛時顆直百錢

輦轂嘗新着價高土人棄擲梗并髦不嗔園客工偷竊
絕喜大公享老饕

風韻能令百果低難將盧橘聞新竒品題自合還詩祖
模寫何須覓畫師

築城行

萬夫喧喧不停杵杵聲丁丁驚后土徧村開田起窰竈
望青斫木作樓櫓天寒日短工役急白捧訶責如風雨
漢家丞相方憂邊築城功高除美官舊時曠野無城處
而今烽火列屯戍君不見高城齧如魚鱗城中蕭疎
空無人

開壕行

前人築城官已高後人下車來開壕畫圖先至中書省
諸公聚看稱賢勞壕深數丈周十里役兵大半化為鬼
傳聞又起旁縣夫鑿教四面皆成水何時此地不爲邊
使我地脉重相連

運糧行

極邊官軍守戰場次邊丁壯俱運糧縣符旁午催調發
大車小車聲軋軋霜寒晷短路又滑檐夫肩穿牛蹠脫
嗚呼漢軍何日屯渭濱營中子弟皆耕人

苦寒行

十月邊頭風色惡官軍身上衣裘薄押衣勅使來不來
夜長甲冷睡難着長安城中多執官朱門日高未啓關
重重幃箔掩屏山中酒不知屏外寒

國殤行

官軍半夜血戰來平明軍中收遺骸埋時先剥身上甲

標成叢塚高崔嵬姓名虛掛陣亡籍家寒無俸孤無澤
烏虜諸將官日穹豈知萬鬼號陰風

軍中樂

行營面面設刁斗帳門深深萬人守將軍貴重不據鞍
夜夜發兵防隘口自言 畏不敢犯射麋捕鹿來行酒
更闌酒醒山月落綠縑百段支女樂誰知營中血戰人
無錢得合金瘡藥

寄衣曲

征夫去時着紵葛征夫未回天雨雪夜呵刀尺製寒衣
兒小却倩人封題上有淚痕不教洗征夫見時認針指
殷勤着向邊城裏莫遣寒風吹騰理江南江北一水間
古人萬里戍玉關

大梁老人行

大梁宮中設擅屋大梁少年 結束少年嘻笑老人悲
尚記一帝蒙塵時烏虜國君之讎通百世無人按劍決
大議何當偏師縛頡利一驢馱載送都市

朝陵行

國家諸陵陷河北盜發寶衣斧陵木或言陵下往來人
夜聞翁仲草間哭何年卻遣朝陵官合桃璫繫登金槃
悲哉人家墳墓各有主誰修永昌一杯土

破陣曲

黃旗一片邊頭迴兩河百郡送款來至尊御殿受捷奏
六軍張凱聲如雷元戎劍履雲臺上麾下偏裨皆將相
腐儒筆力尚跌宕燕山之銘高十丈

村居書事四首

有客相逢說坎離葫蘆中藥不容親扣頭無力營丹竈
聊奉先生一醉資

新剝闍梨頂尚青蒲村看說法華經安知世有彌天釋
萬衲如雲座下聽

卜叟囊書繫肘邊兒童尊信等神仙立談笑盡平生事
問到封侯拜相年

刮膜神方直萬金國醫曾費一生心可憐髮鬢提籃者
也有盲人問點鍼

後村居士集卷之八

後村居士詩卷之九

詩

挽陳北山二首

雖拜龍圖號自稱槃澗翁生難招此老死可見文公斷
簡功夫久深衣笑語終空餘藏藁在虹氣貫山中
掘筆臨池慣殘書映雪勤今寧無古篆宋復有唐文荒
草周顛宅空山董相墳何時携斗酒一醉墨溪雲

送五六弟赴四明倉官

成

子去爲倉氏人應重客卿須憐春被苦勿愛金鍾羸羊
貴脾神厄葆佳肺氣平親闈最關念頻寄鴈傳聲

挽龔汀州二首

早日曾盧墓中年懶建牙的無金遺子僅有笏傳家窮
巷觀時事叢祠閱歲華天平清白吏名位止斯耶
所守老尤剛清風凜不亡洞房無粉黛聖室屏緇黃東
閣遺遺令南山獻吉藏百年耆舊盡里社轉淒涼

送戴復古謁陳延平

倉部當今第一流艱難有詔起分憂城危如刃支群盜
膽大於身蔽上游應是孔明親治事豈無子美可參謀
君行必上轅門謁爲說披篋弄釣舟

挽外舅林明道二首

關勳功名少閑中歲月長漢曾招綺季曾僅有靈光玉
雪生難沈淵冰死未忘兩州殘父老懷惠各悲涼
少小親函丈而今白髮生居然明我穢久矣愧翁清川
浙悲賢淑山頽惜老成年來得瘖疾相挽不能鳴

東陳寺丞築城

事變相尋智亦新爛泥堆起石嶙峋斷無餘力謀蒸土
頗有傍觀晒真新自古虛心容議者即今枵腹役耕民
姑尤聊攝皆齊境莫遣郊封有詛人

荅楊舜

一生忠孝發於詩不爲桃根與柳枝棗本流傳容有僞
箋家穿鑿苦求竒偶全要領慙輕典虛嘔心肝悔少時
澤畔蠱臣搔白首孤吟不敢累親知

挽方岳倅

昨解巴陵紱將尋洛社盟璧埋真可惜玉立尚如生舊
轍冰天遠新瑩雪瀨清惟應帶來鶴解作斷腸聲

梅雨隳城自用前韻

疊石黏灰事尚新忽因霑漬成嶙峋晉陽昔僅存三板
瓠子今誰助東薪恃陋竊憂難禦寇加工却恐倍勞民
狂生亦豈前知者曾是邊城倚杵人

跋某人詩卷

元祐賦律古熙寧經義新請君忙改藝詩好誤終身

城壞復修又賦

補罅扶傾手段新
峯頭千丈又嶙峋
主謀何止堪尸祝
妄議真當抵鬼薪
見說傳更增羅卒
已聞犯夜少奸民
小偷不辦公輸械
遙望須驚彼有人

留山間種藝十絕

梅

鄙事閔人智淺深
漆堪成器楮堪衾
自憐到死猶迂闊
純種梅花作墓林

菊

羞與春華艷
迥同殷勤培
慨待秋風不
須牽引淵明比
隨分籬邊要幾叢

松

一生著數落人先
白髮栽松故可憐
待得伏菟堪采掘
此翁久矣作飛仙

蘭

蕭艾敷榮各有時
深藏芳潔欲奚為
世間鼻孔無憑據
且伴幽窻讀楚辭

桃

歲々春風花覆牆
摘來紅實亦甘香
當時若種瑤池本

却恐河清未得嘗

桂

讒言自昔架空虛
蕙豈非珠偶似珠
半夜庭中金屑滿
老夫明日費分踈

柚

兩樹亭：蘚砌傍未論包貢奉
君王世無班馬堪薰炙
且嗅幽花亦自香

笑花

春風滿面喜津津
縱有嗔拳不忍嗔
尚恐傍觀安注脚
笑他何事與何人

末利

一卉能令一室香
炎天尤覺玉肌涼
野人不敢煩天女
自折瓊枝置枕傍

芭蕉

撓醉妨眠挾雨聲
碧叢宜看不宜聽
而今一任蕭蕭滴
華髮鰥翁徹夜醒

寄題邵武死事胡將祠堂

士各全軀命惟侯
視死輕張巡鬚盡怒先軫
面如生短刃猶梟寇
空券尚背城新祠簫鼓盛人敬
比神明

寄題沙縣死事祝將祠堂

文蔚之子

淮右多良將吾猶識祝侯虎生能肉食豹死有皮留鐵
漢為揮涕冰翁與雪雉童侯獲城以祭標名忠義傳榮甚復
何求

挽王簡卿侍郎三首

先帝初更化公曾以諫聞身雖遷柱史袖尚有彈文晚
境圖成佛它山預作墳那知非变幻止在石橋雲
末著尤竒特杯行忽坐亡無香分侍女有硯遺諸郎長
樂旌旗改平泉竹石荒公今呼不應浮議果何傷
已矣孤知己顏蒼鬢髮稀雖曾參話柄終未契禪機尚
欲扁舟訪俄傳隻履歸無因拜公墓稽首懺前非

題高九萬菊磴

胡公飲菊潭八十冠貂蟬高叟飲菊磴六十雪滿顛胡
公死無名高叟生無權隨糞土盡名與穹壤傳劉生
勸高叟世事不兩全飢且拾落英渴且酌寒泉快吟三
千篇多活五百年

挽陳師復寺丞二首

已奏囊封墨尚新又携袖疏榻前陳小臣憂國言無隱
先帝如天笑不嗔闕下舉幡空太學路傍卧轍幾遺民
愚儒未解天公意偏壽它人天此人

歲晚滄洲築草堂却將逢掖換軒裳市朝共歎鳳高翥

世俗或疑麟不祥童子舉扶猶慨門人要經各淒涼
衰殘無復相鐫切遺墨常留几按傍

別高九萬

花翁徒步悲詩境菊磻春糧哭復齋眾客食魚彈缺去
幾人白馬素車來尋思舊事成三歎斷送諸賢入八哀
信矣兩生俱烈士有金當爲築高臺

贈建陽醫士楊椿老二首

當年琴調絕平、妄意先賢宰武城邑有澹臺猶欠識
始知令尹未聰明
晚愛聃書義味長無身始與患相忘殘年頗覓飢難忍
未敢貪君不死方

挽潘柄

復齋之客潘夫子生死相從未忍分薛守頗曾參道潔
志完何可欠承君曾生邀飲猶同去龐嫂來呼已不聞
菽舍一卮真永訣老無脚力拜翁墳

表旣字道潔薛常
州李宣從之李易

贈輝書記二首

野老柴門不慣開有僧飛錫自天台前身莫是寒山子
携得清詩滿袖來

捧唱機鋒捷似飛推敲事業費尋思師歸定被叢林笑
腹裏無禪却有詩

荅黃鏞

少年妄意假韶鳴憂患欺人兩鬢星此去真當盟社友
向來不合誑山靈百年如夜何由旦萬古惟天只磨青
若到相城逢舊友爲言多醉少曾醒

荅陳珽主簿

主簿佳公子何曾染綺紈果能磨鐵硯真可軟銅盤君
壯雷驚蟄吾衰月闕團太玄云月闕其團不如開明于西家貧無珽貝
珍貺欲酬難

寄題南康胡氏春風堂

芋魁菜甲必同食石田茅屋不忍折有時對床聽風雨
有時共燈窺簡冊大兄獨抱古人道群季各修弟子職
一門和氣常如春紫荆花開庭草碧宛然生在舞雩時
又若坐於明道側吾嘗三復棠棣詩周公千載有慙色
共梨分棗能幾何摘瓜煮豆堪太息區區錐刀未足讓
伯夷遜國采薇喫君能聚族真卓行余亦爲兄愧涼德
莫年有意觀廬山因你春風堂上客

送孫明府

兄弟繼爲邑宰

三年於赤子摩拊極殷勤令尹留方寸吾民受一分宛
如小滕國突過大馮君四境風謠美諸公必采聞

荅陳璘司戶

丞相詩高妙諸孫亦復奇
惠連康樂弟子美審言兒三
舍猶當避偏師未易支
老來怯酬唱欲速反成遲

辛卯蒲散天基節即事六首

老作黃冠返舊山尚支驛料破衙官孤臣毫髮皆君賜
獨坐風廊不覺寒

門廡無人殿未開白頭散吏久徘徊
年年歲歲千秋節長占群官第一來

聞說都人競出嬉御街簫鼓倍年時
相公入奏天顏喜半夜揚州送捷旗

約已隆親禮不同鈞天無讌錫臣工
太皇勲德侔

高帝陛下謙恭似孝宗

野衲云云祝聖躬亦拈拂子演宗風
恨渠僻陋無聞見不識光公與杲公

小臣無狀挂丹書還着青袍兩載餘
物色依然如碧鶴階衙久矣削緋魚

挽王華甫提刑二首

兄作行狀

卍角從諸老麻衣客五侯風雲疑反手
江海不迴頭寂寂生堪笑皇皇死未酬
空餘老知識閉戶著窮愁何必求佳傳
家庭論自公頴濱碑玉局曲阜狀南豐
遠方追電箏調每值風深知有遺恨不見捷旗紅

還黃鋪詩卷

曾伴靈芝湖上吟當年一悟至如今源流不亂知歸趣
篇什無多見苦心貫虱功夫頂切近膾鯨力量要雄深
暮年誰可談茲事益有村醪且自斟

徐懋功餉酒用其韻

少時酒伴盡豪雄歲晚鉅蟲一併空方歎獨醒吟澤畔
忽勤分餉到籬東鯨鯨有量真溟滓蝨蠃無知妄異同
老矣此身何處着便應埋向醉鄉中

答陳瑄修職

陳氏源流遠吾猶及紀羣昔惟知伯氏今又識郎君後
學尊師友先賢賤藝文滄洲書冊在努力緝前聞

挽陳孺人

昨吊空閨涕未收忍聞紉髮向斯立不爲尚子了家事
似與龐公圓話頭天下斷無膠可續人間最有劔難求
潘郎文筆尤宜誅想見新碑字字愁

壬辰春上冢五首

城南

一閉幽堂十九年萬松手種已參天懶隨人乞郭東祭
自與母耕綿上田試問拂雲施鶴表何如藉地薦豚肩
此身只合安閭里長爲先君掃墓阡

西樓

溪草林花爭碧紅傷心黃壤閱芳容短松明月易陳迹
斷雨殘雲難覓蹤伊昔老盆常共酌即今敗絮倩誰逢
曰間一斗倉陳粟薄暮歸來獨自春

郭西高大父

自古佳城屬吉人郭書王識豈能神掃松稍喜衣冠衆
薦芟何妨俎豆貧委巷起家基世德分山葬友等天倫
側傍即是黃香冢真漠之中尚卜鄰黃翹季塋名士也
死而无子大父葬

之子高
祖墓旁

中嶼

憶昨隆乾致太平諸賢聳聽鳳先鳴奏篇不愧登瀛選
拂袖難留出畫行當日伯夷兄弟瘦至今揚震子孫清
定知千載墓陵路尚有行人酌董生

壽溪

水如綬帶山如抱畫手難摹一段奇松下可澆三奠去
墓傍安用萬家為虹來昂首寧非瑞蛟徙無蹤若有知
非角釣游今白髮重尋陳迹不勝悲曾大父臨終有虹
入室墓前昔皆深

潭蛟所
窟宅也

訪李鋼草堂不遇

細路縈紆入野田遙瞻竹樹已欣然青苔地滑跌盧老

蒼耳林深迷謫仙不羨玉堂在天上徑湏茅屋占雲邊
極知謝客非爲亢貪看林花聽澗泉

題陳遂卿隱居

蚤日稱雄翰墨林暮年里巷且浮沉諸公自負遺賢媿
此士元無謗國心杜牧送薛處士序處士之名自負也謗國也子佩子衿輸
少俊某丘某水揀幽深明時莫作逃堯計忽有弓旌底
處尋

綿亭林逸人扁所居室曰藏暉求詩

先生讀易注參同築室雲山第幾重昔遇壺丘疑見恠
今於老子信猶龍方靈有物司丹竈符驗無妖血劍鋒
只恐欲藏藏未得世人往往或知蹤

題白渡方氏聽蛙亭

塘水拍隄科斗生想君亭子俯幽清黃梅雨足野田潤
牡麴煙收村墅晴莫信人嫌無理鬧頗疑渠有不平鳴
畫堂方喜聽琴阮誰愛天然律呂聲

贈鍾主簿父子

旗鈴接跡向西馳丹桂靈椿並一時競說郎君能跨竈
頓令老子欲笞兒妙年不患錐无穎前輩曾言木就規
相國晏公元楚產何須千里遠求師

寄趙簡叔知宗

造物方將貴此翁煌々三印屈盤紅牋天不受珠犀澆
表海新兼鈇鉞雄詩滿名山留妙墨舶歸外國說清風
何當把臂登雲榭共看鯨波浸碧空

贈豫知子

隔膜能知人肺肝瞭如燭照與龜鑽敏於一行推棋子
妙似堯夫測牡丹道是鬼來疑太黯鸞然仙去覓應難
身今槁木寒灰樣慙愧巫咸子細看

簡叔和詩再寄

棄置而今成秃翁君思量給太倉紅着鞭縱落諸公後
揮塵猶堪一世雄花月三千篇絕唱海天九萬里剛風
曾中本自無冰炭况讀君詩益掃空

寄章貢姚別駕

贛江當日血成川誰肯身馳不測淵尺檄約降諸峒靜
單車禽畔一城全帶刀俗染惟新化橫槊詩刊第幾編
想與元龍談世事亦憐踈拙老林泉

三寄簡叔

屢有詩貽田舍翁燈花常至夜深紅莫嫌雲榭文書冗
稍喜冰衙職任雄健吏安知元結事貪夫愧死伯夷風
得君厚祿吾何患從此樽中酒不空

寄章貢姚使君

屢在江西尤鉅麗極知君相選侯難昔多法從懷州紱
今少詩人上將壇歛戍官兵申拆洗放衙谿洞報平安
衰頹欲納轅門謁却怕崆峒臘雪寒

蔣邁說易

新圖別義初拈出四座皆驚昔未聞定是曾中通象數
或於夢裏見義文向來夫子編三絕近世名儒說七分
自笑腐生尊古注可能挾冊便從君

讀金鑿密記

仗下千官走似鶻倉皇誰扈屬車塵禁中陸九艱危共
殿上朱三苦死嗔當日橫身抗岐汴暮年避地客甌閩
小窻細讀金鑿記始信香奩屬別人

哭鄭君瑞長官二首

自解銅章後終身耻折腰偶然空舊隱非不恋清朝薪
水纔能給弓旌未易招墳山梅似雪猶足配清標
史著陶潛卒何妨爵秩卑竟無乞米帖止有采薇詩舊
友誰為誄新阡尚欠碑中年哭同志孤立可勝悲

獲硯

二硯溫如玉琢成信知天地有精英馬肝紫潤尤宜沐
鵝眼青圓宛似生未愛潘郎呼作友便教米老拜爲兄
今年几桮多竒獲應是窮儒命漸亨

再獲一硯自和

三硯聯翩買券成絕勝玉杵聘雲英拊摩無粟向肌起
塗抹有花從筆生韞匱每愁逢暴客傾囊或笑費方兄
古來事業由勤苦不信磨穿道不亨

蔡偉叔講通書

蔣君易學高無助蔡子重來講杏壇絳帳先生移席聽
青衫學士堵墻觀舉揚霽月光風易箋注先天太極難
穩坐虎皮揮麈尾豈知春雨客擅寒

遺編

短髮蕭々老日侵遺編未敢發研尋薰猶理慾迷通義
袞斧忠邪害恕心篤信聖賢常事左稍知治亂每憂深
人生有腹當盛酒誰遣吾儕著古今

一念

一念纔萌帝已臨豈容纖芥自欺心夜猶養氣操存熟
晨偶科頭警懼深跌宕少曾希管葛斂藏晚欲學柴參
小窻稍養春宵冷自設篝鑪置楮衾

貧居自警二首

昨者匆匆擲印歸六年岑寂閉柴扉歲荒奴僅拾殘穗
日晏婢方羹苦薇寧渴莫賒鄰近酒儘寒不着借來衣
中年但祝身強健要卧松風坐釣磯

赤粟黃齏味最深此生不恨老雲林鬼神每瞰高明室
天地皆知暮夜金夸士燃臍猶殉貨先賢覆首或無衣
一瓢千駟同歸盡莫爲浮雲錯動心

客過吾廬語至晡旋營鹽酪刈薪芻酒兼鱗脯不時有
飯與魚羹何處無荆公云何處無魚羹飯喫力穡勿忘家世儉堆金
能使子孫愚俗兒未識貧中樂妄議書生骨相臞

寒食清明二首

寂々柴門村落裏也教挿柳記年華禁煙不到粵人國
上冢亦携龐老家漢寢唐陵無麥飯山蹊野徑有梨花
一尊徑藉青苔卧莫管城頭奏暮笳

過眼年光疾彈丸桐華半拆燕初還漢宮有燭朱門煖
墨突無煙白屋寒寧復鬪雞陪戲社頗思携鶴訪孤山
今年秣與金同價偶得茅柴且盡歡

上巳

櫻筍登盤節物新一筇踏遍九州春似曾山陰訪脩竹
不記水邊觀麗人豪飲自憐非少日俊遊亦恐是前身
暮歸尚有清狂態亂插山花滿角巾

村墅

村墅溪亭處々嬉新年海岱悉清夷盜平四野無驚柝
虜去三邊有捷旗子美間關離亂際堯夫生死太平時

從今一洗窮愁語多賦看花飲酒詩

進德

進德功夫有淺深一毫間斷即差參醉無謬誤明持敬
怒亦中和見養心爲善豈須朋友責積勤常若父師臨
向來歲月悠悠過垂老方知痛自箴

荅梁文灼

二梁大學同袍舊晚識郎君亦雋才抑永詞堪腔裏唱
劉義詩自膽中來老夫一榻何曾下吾子扁舟作麼迴
見說桐城方調卒未應能築禮賢臺

哭章泉二首

自有簞瓢樂那須壁帛迎後凋仁者壽獨往聖之清古
不稱千駟今猶重兩生吾衰又無淚一慟爲耆英
小扉通水竹幽絕少比鄰家似巢栖者詩非火食人於
今無宿士若昔有先民彊作徵君誄居然語未親

贈馬相士二首

嫗貌何妨至輔臣猴形亦有上麒麟伏波眉目空如畫
不是雲臺劔佩人唐人朝歐陽詢云誰令
麟閣上畫此一猴
荀卿粗了心形者崩徹安知背面哉別有精微書不載
待君見了季咸來

余爲建陽令遣小吏王堪爲西山翁之役翁留

之仙遊山房招鶴亭之上令抄道書父之若有
所悟棄家不歸後六七年訪余田間敝裘跣足
真爲道人矣自言欲謁翁於桐城作五詩送之
向來刀筆充書佐歲晚衣巾學道流畢竟賢於人一着
醉中夢裏忽迴頭

拂袖歸來父閉關道人剝啄訪平安要知對面劉高尚
即是翻身靖長官

去去尋師莫遠尋蓬萊何處海深深山房幸有栖身地
且讀西山夜氣箴

聞說周僊有後身出山不爲兩朱輪白雲丹竈俱無恙
憑汝殷勤謝主人

或盤碧漢唳清宵幾載山中伴寂寥今日鶴來翁已出
他年却恐費翁招

和南塘食荔歎

君欲和詩無匆匆唱首天下文章公今年荔子况倍熟
亭亭錦蓋高張空徭偷鴉啄牧童采林間殘顆猶殷紅
在昔唐家充歲貢吟諷何止杜陵翁南窮交州西蜀土
快馬馱送如飛龍絳裳冰肌初照眼玉環一笑恩光濃
惟聞以遠幸免沉一顆不到溫泉宮自從陳紫無真本
皺玉晚出尤稱雄邇來雞舌擅瑰瓊贊香與味萬喙同

麟臺仙人親題品天爲此菓開遭逢乃知微物似有數
聲價亦與時汗隆列聖儉德被華戎微如淮白不敢供
奈何置驛奉私室安得木鐸觀民風山蹊谷塹日力窮
血肩跣足馳均籠請公移此食荔歎置在薰風殿閣中

後村居士詩卷之九

後村居士詩卷之十

詩

送真西山再鎮溫陵

父老香花夾路催，朱幡那忍更徘徊。弓張至此尤宜弛，珠去安知不復迴。海上有艘堪致粟，洛中無篚勝生財。泉人畢竟修何福，消得西山兩度來。

水僊花

歲華搖落物蕭然，一種清芬絕可憐。不許淤泥侵皓素，全憑風露發幽妍。騷魂灑落沉湘客，玉色依稀捉月僊。却笑涪翁太脂粉，誤將高雅匹婁娟。

葵花二首

植物雖微性有常，人心翻覆至難量。李陵衛律陰山死，不似葵花識太陽。

下了江南奏凱迴，曹公鞅鞅未忘懷。爭知野老門庭冷，旌節無心忽自來。

題鄭寧文卷 西山作跋

昔侍西山講習時，頗於函丈得精微。書如逐客猶遭絀，辭取橫汾亦恐非。筆由豈能諧雅樂，綺紈元未識深衣。嗟余老矣君方少，勤向師門扣指歸。

西山先生編文章，正宗如逐客書之類。止作小字附見內詩歌一門。初委余哀輯，余取秋風辭西山欲去之，蓋其議論森嚴如此。鄭君試以此意求

之可

悼阿駒七首

吾老方期汝元宗愛憐不與衆雛同豈知希世千金產
止作空花賺廼翁

長兄開卷每隨聲大母繙經亦諦聽眉目分明無天法
恐緣了了與惺惺

北轍南轅有返期吾兒掣手去何之夢中玉雪來懷抱
愁絕鄰鍾喚醒時

隔日猶能喚女兒兒於孝友殆天成直須見汝蓮花上
纔得曾中一點平

富貴威權得自由收融二子殺揚脩閑人於物無忌心
那得倉舒只麼休

眼有玄花因悼亡觀書對客兩茫茫情知淚是衰羽血
更爲童鳥滴數行

人生憂患本無涯強取瞿聃語自排吾母白頭尤念我
吞聲不敢惱慈懷

鄭寧示邊報走筆戲贈

曾客嫖姚與伏波慣騎生馬擁瑠戈金臺有命終須繫
鐵硯無功亦且磨見說帛書夾汝洛又傳氈帳迫淮河
只今西北多機會吾子南歸意若何

挽劉學諭

徐允溪鹿鄉之婦翁豐城人名履

少游鄉校至華顛常以叢醴養浩然科舉法行無譽士
立園禮廢有遺賢劉晉下第人稱屈李漢編文後必傳
聞道諸郎皆秀孝拂雲華表看它年

送陳戶曹之官襄陽二首

珙

丞相曾參督府謀郎君今復贊邊籌彼哉金谷飲長夜
去矣玉關防盛秋尺度豈能拘快士功名斷不在中州
習池水滿堤花艷安得相陪賦遠遊

幕府秋風事日生參軍匹馬去兼程起爲楚舞何其壯
吟退 在此行且喜峴山碑有跋不愁江表傳無名
老儒那復封侯夢止願躬耕看太平

盱士張季携所汪三略訪西山先生既跋其書
余復題二絕於卷尾

張生快士非拘儒袖出一編相斫書撲虱拍蚊吾不忍
斷蛇刺虎子何癡

千里從師細講評橫渠昔亦謁高平自從受得中庸了
止說西銘不說兵

送湯伯紀歸番禺

華宗所產必人英父見諸賢說父兄荀氏晚添文若山
揚家又有敬之生進堪負荷斯文責退亦流傳後世名

身老荒村無可恨，獨於佳友尚關情。

病後訪梅九絕

夢得因桃數左遷，長源爲柳忤當權。幸然不識桃并柳，

却被梅花累十年。

鄴侯詠柳云：青東門柳，歲晏必憔悴。楊國忠以爲譏己。

先生歲晚被人疑，梅畔渾無一字詩。明月清風愁併案，

野花啼鳥怕隨司。

區區毛鄭號精專，未必風人意果然。大豕不吞舒實唾，

豈堪與世作詩箋。

和靖林間效嗽時，一邊覓句一邊飢。而今始會天公意，

不惜功名只惜詩。

老子無糧可禦冬，強鳴飢吻和寒蟲。吉南舍北花如雪，

止嚙清香飽殺儂。

與梅交絕幾星霜，瞥見南枝喜欲狂。便欲佩壺携鐵笛，

爲花痛飲百千場。

一聯半首致魁台，前有沂公後簡齋。自是君詩無警策，

梅花窮殺幾人來。

春信分明到草廬，呼兒沽酒買溪魚。從前弄月嘲風罪，

即日金雞已赦除。

菊得陶翁多愈重，蓮因周子品尤尊。後來誰判梅公案，

斷自孤山迄後村。

陪西山遊鼓山一首

先生廊廟姿非直藩翰才南州彩旗留北闕丹詔催重
臣方暑行停驂小裘回客中載枚鄒物外尋宗雷遂窮
天海觀一豁風雲懷眷言此靈山自判宇宙來登臨幾
朱輪滅沒隨飛埃堂堂蔡與趙繼者其誰哉共惟勲業
侔况乃名節偕伊余忝載筆適值祖帳開雖陪叔子游
獨抱淇輦哀餞詩堪覆瓿不敢鐫蒼崖

鼓山用餘干趙相韻

城郭區區一聚埃江山如此信佳哉挾龍相國騎箕去
招鶴仙人弭節來試問炊梁成短夢何如煨芋撥殘灰
危亭更著文公扁日落山空未忍回

題真仁夫畫卷

草木黃落水雲莽蒼孤舟卸帆凍鴈失行昔余遠遊沿
離泝湘堠長店踈僕痲馬僵行李蕭然有詩滿囊今其
老矣寧志四方撫卷追思歷歷不忘

題龍眠十八尊者

嘗聞天台境肉身往無從仁夫示此圖恍惚游其中應
真一一若舊識或踞怪石臨飛淙山鬼投牒何敬恭天
女問法尤丰茸盆魚鬚鬣等針粟放去天矯擎空濛山
深無人地祇出被服導從侔王公前驅鷲獸後夔夔徐

行殿以一瘦筇嶢嶢蒼壁謾謾松下有老宿眉雪濃石
橋滅沒雲氣斷似是鬼國非天宮層冰融結挾怒瀑毒
虺噴薄含腥風至人於此方入定壞衲慕首枯株同等
閑一坐六十劫汝技有盡吾無窮書生往往談性命怵
以禍福猶兒童倒持手版口勸進對此寧不面發紅我
知龍眠筆外意要與濁世鍼盲聾退之二云釋善變幻愷
之謂畫能神通幻耶神耶兩莫詰與子持叩西山翁

米元章有帖云老弟山林集多於眉陽集然不
襲古人一句子瞻南還與之說茫然歎久之似
歎渠偷也戲跋二首

大令云亡筆不傳世無行草已千年偶然遺下鵝群帖
生出揚風與米顛

二集一傳一不傳可能寶晉勝坡仙蘇郎不醉常如醉
米老真顛却辨顛世傳米老有辨顛帖

跋周志機畫一首

周郎詞藝妙天下似是詩家非畫家寧與愁公寫琴操
不為盛尹作梅花

題林戶曹寒齋

取鄭介夫積雪
肩寒齋之句

舉世爭馳勢利場君於冷處看人忙不營摩詰散花室
只設蘇州聽雨床種果園林無虎守勘書窻几有螢光

直須喚起西塘老來向齊中伴石塘

呈黃建州

當年虎穴挺身臨匹馬平欺萬綠林余欲關弓常掩涕
汝能賣劍即回心歌廉民已嗟來暮微管吾安得至今
欲謁鈴齋參嫡派管蠡何敢測高深

過建陽二首

溪上重來兩鬢絲豈知拙政久猶思旄倪欲見葉公面
香火共存朱邑祠爭勸令君持酒琖不容老子閉車帷
誰言俗薄今非古我與斯民各秉彝

白布帛襦雪滿顛携扶偻僂拜車前皆言庾氏相因粟
猶是君侯不飲泉自昔活民須有備即今去客愧無權
愚公老矣癡如故長把心燈照後賢

過章戴二首

魯叟新阡何處尋橋邊感舊獨沉吟一生欲唾姦諛面
千古難磨道義心溪昔放魚晴鱖鱖門今羅爵冷泠泠
發潛賴有西山筆何日碑成勒碧岑

橋下魚萬計君所放也

曾向明時雪李邕又聞名在聘賢中憶言鳴吻施茅屋
忍見龜趺立栢宮杯酒昔常陪賀老隻雞終待哭喬公
情知客淚先難制鄰笛那堪咽晚風

君為閩僧欲請余為屬所而曰茅屋

設鳴吻乎遂止

荅李泉州元善

平生陳無已白首欠吟債未嘗交馬呂况肯見章蔡附
熱生可鄙中寒死亦快吾方尚此友巾車與同載前瞻
有膺滂却顧有融泰要當堅一壁詎可立兩界恕乎行
誼虧希也名節壞史君惠良箴下走敢不拜懷哉道義
交異彼姑息愛

送趙信州二首

君於朝列號名流信在江東亦望州保抱彼民思父母
齋以吾輩惜交游香凝應物吟詩搦虹貫元章載畫舟
澗上泉邊今寂寞豈無遺藁待搜求

貧者惟言可贈行臨分握手盡交情馬於轡力窮時駭
鷗向機心動處驚齊士豈無堪客禮蔡人便遣作牙兵
遙知陌上羅敷女競看雙旌出勸耕

題趙子固詩卷

紫芝仲白俱仙去晚秀惟君擅士林字肖率更親手作
詩疑賈島後身吟九成合奏音方備三染爲纁色始深
老去尤於朋友篤未忘几研琢磨心

題湯伯紀程文

詔書選後宮衆女競媒致拂鏡濃畫眉臨風高綰髻朝
猶東鄰居夕已金屋貴彼姝絕代姿綽約乘雲氣箴史

舍古趣佩服與今異宜哉寤寐求惜也憔悴棄君門深
復深歲遣花鳥使

和高九萬雪詩

添盡綿衣體未和小窻奈此苦寒何極知上竺僊人喜
不道長安貧士多窮巷都無晨噪鵲邊城應有夜驚鵝
君才堪續梁臺賦早晚樓船濟汴河

荅曾無疑校勘

詩到黃初字永和半生西望朔明河已招學士來儒館
更欠山人拜諫坡李勣種放四庫舊書存有幾五朝遺老苦
無多傳聞將講臨雍禮小駐驪駒白玉珂

題袁祕書文彙

場屋聲名淳紹初同時一輩曉星踈舉人尚記前鄉貢
天子亦呼行祕書出蜀詩堪編杜集涉湘文可補騷餘
中朝典冊須鴻筆何必然藜照蠹魚

題廬陵羅生詩卷

門巷蕭然人迹少華裾客子袖文過織千機錦非常巧
熏一銖香已覺多持贈白雲情厚矣暗投明月愧如何
桃花水煖鱸堪鱸恨不相携買短蓑

陳夫人哀詩

同父之女

龍川天下士女子節尤奇孟母遷鄰訓共姜誓已詩生

無封國分沒有表阡時曾識雙珠樹聊為補些辭

挽連夫人

陳侍郎公益之
母代洪侍郎作

渡江門戶已華簪嫁得黔婁作藁砧疇昔曾為賓截髮
暮年親見子腰金龍阡新刻豐碑妙防墓重封宿草深
憶與夏卿聯禁路些辭題罷一酸心

參預陳公挽詩二首

人歎摛毫妙天知補衮忠力猶挽元氣身已御長風家
譜侔洪氏官稱似范公獨憐尊鯽莫不得至茗中
聖主初調瑟煩公數寄聲已來周大老尚致曾諸生末
至餘尊盡西歸隻履輕中年知己淚銷得幾回傾

又二首

代洪給事作

世道方憑藉云胡不救遺重如鎮喬嶽寬可納須彌鷗
閣開無日暮陵窆有期嗟余衰久矣告第乏雄辭
不謂斯人天堂堂在目中曾參黃面老肯戀黑頭公性
理天淵徹榮華露電空獨餘章奏在聖主記遺忠

送王實之

欲去還留每自憐竟為吾子着先鞭孤忠盡見萬言疏
十口同登一葉船屈法相全煩聖主上書俱貶愧前賢
南歸定過西山下細把行藏告墓阡

重餞趙信州分韻得寢字

近甸騷屑餘當寧焦勞甚劄符寄非輕弄印擇已審益
然春風和解此寒色凜吾聞守四隣豈必衛堂寢惡馬
易調伏小鮮難烹飪臘前況屢白秋杪定一稔我侯但
疑香彼州自莫枕英英尚書郎餞詩麗如錦驪珠忽滿
軸繼者皆曹沈顧予如病鶴欲鳴聲復噤寧論鬼揶揄
行以親來診南歸掣聖齋鈴儻留故人飲

鄭丞相生日口號十首

陌上塵飛勅使來親傳天語賀元台門庭如水無珍獻
惟有黃華伴壽林

王呂紛更尚治安史韓椽伐始凋殘迺知元祐調絃易
却是端平變局難

金塢銅山二紀中可無玉雪洗貪風從今中外多廉吏
家有錢神賦一通

小范登庸面稍腴惟公不以位爲娛宅家亦自臨朝說
丞相都因國事臞

舒黯淹留守相間平津千載有慙顏惜渠不見端平相
召了西山召鶴山

忤旨嬰鱗不自安明朝密啓與遷官百僚舉笏私相語
相國曾中得許寬

曠懷未許衆人窺細行猶堪百世師廣廈千間無地起

靈臺一片有天知

轉了頭廳屢乞歸已將傳舍視黃扉江湖不欠魚羹飯
直爲君恩未拂衣

篋苞不復入脩門民力微蘇物漸蕃見說海邊停鱉局
介鱗亦被相君恩

不用占著更訊龜功成尚有赤松期由來壽與仁相貫
季主君平未必知

出宿環碧

逐客挑包水榭中忽聞乾鵲噪東風若非閩嶠安書至
即是襄州吉語通

環碧寒甚移宿客邸

香歇朝衣懶更熏夢殘宮漏遠難聞漫郎不稱青綾被
退士惟堪白布裙

桐廬舟中即事

車前鸞帽同聲散關外華簪一揖休惟有浙江潮好事
肯隨逐客到嚴州

朱買臣廟

翁子平生最苦貧晚將丹頸博朱輪老儒五十無章綬
歸去何妨且負薪

江山道中

純綿未覺中年暖薄酒難禁二月寒可惜一溪桃李樹
貪程不得過橋看

徐偃王廟

仁暴由來各異施秦徐至竟孰雄雌君看驪岫今無墓
得似柯山尚有祠

漁梁

淺溪忽漲尋常水朽樹猶開千百花有酒可沽魚可買
造門莫問是誰家

馮唐廟

當饋而今渴將材豈無梟俊尚沉埋不曾薦得雲中守
也道身從省戶來

新蓬二嶺

路入雲端一綫微行人切笑僕交譏空囊非有連城璧
作麼携從間道歸

春陰

春陰欺得病夫身偶值晴天一欠伸客舍無誰相管領
半簷紅日苦留人

宿小寺觀主僧陞座

靜處尤宜策睡勳徑投禪榻炷鑪熏恰爲胡蝶春游美
忽吼華鯨曙色分僧袒右肩方說法我聾左耳若無聞

平生不作桑間戀草草挑包下白雲

田舍即事十首

去年贏粟尚儲餅又見新秧蘸水青野老逢人說慙愧
長官清白社公靈

村落爭看烏角巾略談北事向南人百年只有中州樂
世世無爲塞下民

古來觀社見春秋茜袂銀釵盡出遊欲與魯人同獵較
可憐身世尚它州

蹴踘鞦韆大塵不沈臂鷹袖窄樣新裁社中年少相容否
也待鮮衣染鬢來

鄰壁嘲啾誦學而老人睡少聽移時它年謹勿如張禹
帝問床前謬不知

田舍諸雛各雅馴男兒盡有藝資身古來醫卜多名世
莫學文章點澆人

條桑女子兩鬟垂車馬過門未省窺生長柴門蓬戶裏
安知世有二南詩

草草衣裝挈自隨壻貧畢竟與齊眉絕勝京洛傾城色
鑠向侯門作侍兒

兒女相携看市優縱談楚漢割鴻溝山河不暇爲渠惜
聽到虞姬直是愁

溪上漁郎占斷春一川碧浪映紅雲問渠定是神仙否
鱗去如飛語不聞

寄題趙廣文南墅

博士才名賀白流詎應蚤計到菟裘宮中未索清平調
海上聊為汗漫遊隱几飽看山變態開軒惟對竹清脩
買鄰有志嗟無力肯與羊曇共賭不

寄和湯仲能

憶昨挑包返故鄉意君東帶侍明光一書似坐窮為祟
百計無如去最長蟻穴夢殘何足記墓陵願在莫須償
即今臺閣多收召定有名公雪孝章

送湯季庸監獄

季子真奇士聲名亞長君尚難友裘牧何敢吏朱雲江
國無生業沙場有異聞臨岐各珍重卅故屬紛紜

送徐鼎夫用廬陵通守博士戴文韻

一春風雨郡齋寒荒了麻姑老子壇余嘗主仙都玉局觀東抱文

書排闥至客携詩卷退衙看愁來鏡裏絲難染老去曾
中錦已殘若棹扁舟見安道為言歲晚習申韓

次韻王元度二詩

袁侔之子

留落而今兩鬢秋暮年出處愧前修敢云余補韓公處
極喜君來謝客州奇其寶鐔騰紫氣清於玉瓚薦黃流

後生不作先賢遠便合相推出一頭

向來綺語禍機深幾効靈均欲自沉周朝人曾銘在背
管城子已秃無心今誰伯樂能酬價後有鍾期必賞音
老矣尚須君警策昔人一字答千金

送趙叔愚赴潯州理塚

未奉三雍對聊爲五筦行鄉書論嶺少詩思入湘清遠
官身差穩中州事日生向來幾離別此別最關情

離郡五絕

自傷臨郡淺有愧在民深稽首文公廟由唐直至今
既收其印綬猶送以車船回首柱下史江邊更可憐
昨日專城守今朝失國人乾坤如許大無地着孤臣
赫赫戎衣定區區扣馬非如何孤竹子嫌粟不嫌薇
丘筆鄭克段軻言象愛兄回天力不足削地罰猶輕

後村居士詩卷之十

後村居士詩卷第十一

詩

寄徐直翁侍郎二首

銳情皆由氣所爲浩然不屈是男兒未知重入脩門後
何似初攀折檻時已有客貽絕交論豈無人取送行詩
勿令一種求疵者妄議君侯鳳德衰
憶昨紛紛衆喙鳴惟君噤斷久無聲得非家客留廷尉
或是閨人沮仲卿白璧微瑕終古在黃金橫帶霎時榮
從來公議無情甚莫遣蒙叢獨擅名

和仲弟十絕

懶窺戶外問晴陰靜向窓前閱古今江國事稀聊袖手
釣天夢斷久灰心
慈母清齋奉竺乾平生功行默通天遙知靜坐修禪觀
永晝爐中一穗煙

即今江表尚恬熙忘却前廻飲馬時淝水豈無風鶴助

平涼莫受

欺

樓頭吹徹幾寒梅推枕穿衣曉帳開蟻鬪蝸爭求予決
老夫身世自難裁

一春簷溜不曾停滴破空階蘚暈青便是兒時對床雨
絕憐老大不同聽

行遍高臺到曲池
閑將白髮照清漪
未應官舍無幽事
亦有臨流嘯詠時

少工文字老安施
不但才慳力已疲
無復滴泉來上綆
惠連入夢偶成詩

弟兄雖幸忝朱輪
各是人間五十人
只合共娛千歲母
可能少補二州民

鴈回杳渾無報鵲語
似有憑忽得遠書
看百過
眼昏自起剔殘燈

千古堂一孔明尚咨
幼宰訪州平
諸君應悉倦
意
老子寧希赫聲

丁酉重九日宿順昌步雲閣絕句七首呈味道
明府

傍邑曾爲劫火塵
獨茲猶是太平民
兒時所歷今三紀
便喚溪山作故人

老子癡頑耐遠遊
平生腹不貯閑愁
今年天賜登高地
身在雲峰最上頭

小休綠樹濯清泉
垢盡身輕意欲仙
豈必魯儒知此樂
舞雩風止在溪邊

九月南州菊未黃
芙蓉取次獻新粧
不妨折取繁紅插
四海皆知兩鬢霜

只了年年作逐臣衣冠纏縷面埃塵偶逢令尹留連我不畏狂生點澆人

先倩清風掃水軒更呼涼月倒金樽定知明府歸侵夜縣郭留燈未閉門

長君論事天為動季子居官水似清雙眸不能鈔諫草偏聾尚可聽琴聲

徐中得茂實封事目昏字小不能傳錄

友人李先輩五父嘗以夷成詩二帙示余莫知為何人所作心甚愛之過延平客有袖詩一章見訪始知夷成者蓋葉君之別號也鬚髮皓然矣詩與人皆可重因用其韻為謝

筋力都非少壯時不煩攬鏡覓吾衰展禽出仕曾三已

表聖歸休有四宜飽閱交情悲世道差強人意賴君詩

此生到死慙三士本自難招況易麾

端平初元召審八士余預焉惟張洽

趙端願范炎三君子力辭不至

丁酉九月十四日黃源嶺客舍題黃瀛父近詩

不但行吟又卧披掩編因有感於斯競為蛙蚓號鳴態

烏覩龍鸞天矯姿損挹嫌人稱大好琢磨容我指微疵

自慙學識非康鼎安敢陪君共說詩

次王元度韻

占盡靈烏顧盡雲君恩寬大放歸闔一區二頃生緣薄

萬緒千條素髮新鐵馬即今徵戰士金雞何日赦纒臣
殷勤說向西飛鴈多謝交游與吏民

送范守仲治二首

二年田里內民不識追胥官府絕無事使君惟讀書儉
於住家日臞似下車初太末方凋弊公行不可徐
放逐諳時態惟侯意味長醴為狂客設羹許老人嘗南
國留宗舍西郊閉草堂臨岐先作惡未可倚剛腸

挽趙漕簡叔二首

雖擁軺車貴蕭然似布韋家依僧舍住俸買古琴歸海
內勝流盡民間廉吏稀空餘詩卷在展玩一沾衣
恰訝書題少俄驚訃問臨死方拋筆研貧不澆珠琛劫
火難隳節浮雲肯動心悲哉廣陵散舊譜有誰尋

曹路分贈詩次韻一首

古來詩律推曹氏不數河梁與董逃唐季三家松最勝
荆公選唐百家詩曹鄴一首曹唐二首曹松十三首建安七子植尤高短檠尚課
兒精選老筆真堪僕命騷極欲留君橫槊賦舟人苦報

粵江濤

用曹帥侍郎韻贈曹路分

曹侯書滿腹非以劔防身馬上檄尤速橐中詩不貧
情工變詐時論主和親旗鼓何時建方知國有人

永嘉曹君贈詩次韻一首

開卷沉吟首屢搔想提詩律比戎韜清於學士茶烹雪
壯似將軍弩射濤再西三纁由染漬勺泉卷石可深高
蝸廬首笑無卮酒不得澆君道路勞

余大父著作嘗以所得沈元用給事歛視遺水
南林府君後七十年林氏子大鼎以端研遺余

荅以小詩

隆乾手澤稀疎甚數帖悽其在水南但看吾翁貽歛石
固應之子餉端巖下寧後裔藏爲好羞愧先民寶不貪
自笑老猶耽筆硯少年莫也肯同參

挽鄭子敬都承二首

重入脩門兩鬢絲延和累疏竭忠規立朝頗慕汲生賢
謀國不知晁氏危老去故人能有幾古來君子例無時
傳聞近事堪悲慨說向重泉亦皺眉

向來俱觸相君嗔里社追隨二十春尚記殘編燈下共
忽看華表路傍新行車不忍過三步臨穴應難贖百身
歲晚空山風雨橫莫芻歸去倍傷神

次韻實之二首

孤臣去國四經春迹遠安知罪尚新蚤亦曾譏秦氏者
晚爲與議濮園人懶箋光範干時宰且伴田家賽社神

醉倒不能愁世事情他煙柳替含顰
向來歲月半投閑莫歎朝朝首宿盤
身後分芳聊自誑眼前腥腐飽曾餐
蟲雞一笑何須較花鳥相踈恐被彈
清議自爲僊者設未應羈束老黃冠

再和二首

借屋城中又一春桃符萬口說清新
向來曾上慶曆頌老去甘爲元祐人
健論真堪驚諛子固窮不肯媚錢神
吾評此士西塘比後進紛紛謾効顰

與君未得便安閑邊警偏能惱澗槃
草地棗紅猶索鬪田家稻白可能餐
誰將鐵縷橫江鎖莫棄琵琶出塞彈
處處衝梯樓上舞不應諸老自巍冠

三和二首

主聖時清萬宇春禽魚花草各懷新
如何丹鳳樓中手未作金雞竿下人
家有笠馨堪跨竈囊無阿堵可通神
客談江北狼煙息暫展雙眉不用顰

厨人無職主君閑春日惟供菜滿槃
山下鷓肥聊共飽堂中羊美得常餐
徧嘗憂患肱三折已過光陰指一彈
老去有巾宜漉酒笑它楚客切雲冠

挽戴丞

戴氏多人物君尤月旦推能傳后倉禮
亦擅叔倫詩故

里懸車蚤名場解褐遲它年端有恨椿桂不同時

題永福黃生行卷

廢詩二十餘年矣忽讀來詩眼暫明處士梅曾如許瘦
化人酒莫過於清虱鳴競起爲唐體牛耳誰堪主夏盟
事闊語長殊未竟跨驢作麼問歸程

送方清孫參學

僕負輕裝主倚轅交游握手若爲言須求沂水風雩樂
勿愛沙河夜市繁曩日士曾宗郭太它時我欲傳何蕃
殷勤待折津亭柳老怕春寒不出村

挽南唐趙尚書二首

起掌端平制蕭蕭素髮新更生宗室老太白謫僊人貴
矣猗施馬悲哉筆絕麟誰爲篆華表題作宋詞臣
自從水心死塵柄獨歸公於易疑程氏惟詩取晦翁二
箴家有本孤論世無同不復重商推騎鯨浩渺中

次韻實之春日二首

向來文字擅中朝留落而今賦大招才子左遷追屈賈
相君高蹈友松喬山行或與樵爭席澗飲聊將掬代瓢
借使終身無一事亦令千載仰孤標

梅醜朝衣塵滿靴曾穿細仗對延和角巾久已尋初服
錦帳何須戀舊窩能讀書人天下少不如意事古來多

半生寂寂因迂闊垂老方驚歲月蹉

再和二首

滎陽相昔獨當朝曹叅弓旌第一招無力不能採房瑄
有書安敢托洪喬如聞徒步輕千駟未覓堂厨勝一瓢
鄧禹封侯子陵釣君看二者孰風標

少小從軍事袴鞬祗今廟筭主通和 來復去兔三窟

民散未收蜂一窩建炎有盜名一窩蜂病覺風光於我薄老知書

冊誤人多罪言著就深藏取自笑狂生壯志蹉

三和二首

豈有絲毫補聖朝去來擾擾費麾招不能履屐供羣謝

未暇綸巾擁二喬着老萊衣侔服冕食於陵粟勝操瓢

臣之少也猶踈懶何況頭今插素標陶詩素標補人頭

長劔拄頤刀納鞞得如曝背赴陽和買鄰底用百萬價

好事爭為十二窩異日史臣應有考同時朝士欲無多

與君死守西山學莫遣人譏末路蹉

四和二首

夢魂久不到清朝縱遣巫咸未易招塞北今惟一草叢

江南前此幾陳喬扶顛个个無長策排悶時時引大瓢

它日松根深掩骨何須竹帛有名標

朱門畫鼓舞宮靴應笑狂歌似采和露坐一生無步障

春游是處有行窩
紹興讜議誰當續
元祐全人本不多
辦取九年同面壁
未應末後話頭蹉

五和二首

尚記諸賢聚本朝
當時君相急旁招
簫韶九奏鳳諧樂
金彈一聲鷲下喬
疆項昔嘗攀殿檻
飢腸今欲把僧瓢
蚤知不得文章力
却悔從初奪錦標

頽然一榻懶巾靴
二月東風尚未和
雀闥屋簷來作宿
蜂衙窸紙去為窩
半愁余髮五分白
健思君才十倍多
欲訪東臯賢鼻祖
幾迴路與醉鄉蹉

六和二首

那復熏衣事早朝
杖藜時赴野人招
謀身不善交韓呂
度世猶堪訪賀喬
杖有百錢尋酒錢
家無一物止詩瓢
君看幸滑三王佐
何似夷齊萬世標

生怕將軍手泥靴
安能柔軟舞靈和
艱虞夷甫方謀窟
老懶堯夫少出窩
時事繁棋如許急
春愁抽蠶未為多
終南一徑非常捷
自是吾徒問路蹉

別張季

昔謁西山過里中
談兵論易氣如虹
若非遇彼負苓者
必是傳於墜履翁
至竟白袍無韻屈
何曾黃策有英雄
秋風定訪蒙齋否
為說馮唐老更窮

挽淮東丘升撫幹

子美曼卿流遠携書劍遊惜攀舟桂晚勇赴白檀秋尚
喜前籌壯聊紆左社憂時危奇士天無淚可供愁

五月旦日鷄鳴夢袖䟽墀下先君問言何事答
曰猶素論也先君太息稱善聞追班聲驚寤以

詩識之

夢中候對殿東廂邂逅先親問答詳確磨不能移素論
曝芹終欲獻清光觸屏訓誥生猶臭攀檻傳名死亦香
君父臨之安所避凌晨起坐涕淋浪

蔡京云如劉安世確
搗磨止說元祐是

和張使君一首

里巷傳呼府座來柴門草戶亦榮哉相忘金鯽忽然躍
慣見白鷗渾不猜墨臺堵墻觀落筆花神步水出行杯
定知入奉吾丘計萬一君王訪草萊

題趙別駕委齋

乍看華扁費尋思徐叩微言極坦夷無可奈何安命者
吾非惡此欲逃之萬羊賦祿渠前定二鳥蒙恩彼一時
揔被委齋參透了不求符竹止求祠

次張使君韻

欲架茅堂又不成蕭然身世托專城日無車轄非常靜
月有浚錢未是清髡首向來輸白髮短衣老去鬪黃精

絕憐不及梁間燕歲歲新巢巧自營

讀邸報二首

並驅華轂適通達中路安知判兩岐邪等惟余尤甚者
好官非汝孰為之曩臣放逐無還理陛下英明有寤時
聞向蕭山呼渡急想追前事亦顰眉

瑤編對秉初修筆粉署同携夜直衾虎既蒙皮甘搏噬
鶴因瘡羽又呻吟盡歸一網機猶淺橫說三綱害最深
想到鄖山多暇日軒書毋惜細研尋

自和二首

橫身又塞揚朱路灑江俄悲墨子岐陋矣射鉤而中者

壯哉鳴鼓以攻之侍讀自無遷府分梅詢晚年指其足曰是中

不至中丞還有傲船時舒置去國八風舞罷君恩歇我

得閑愁上兩眉

貴豪渠已重金帶貧病儂猶舊布衾鍾阜解仇無宿憾

荆公詩曰荆江感事有新吟山谷有荆江書事早知餘

吉甫解仇耳交難保晚蒼王何罪未深白首還鄉應閉戶斷無保

社肯追尋

和實之讀邸報四首

祝鮀非是佞官僕未為凶鬼谷從橫舌終南詭秘蹤斷
無麟在數獨有鼠穿墉千古誰儔匹依稀似敬宗

穿鑿彊揮塵跳梁勇執弓矯誣天亦怒驅逐國為空笑
裏刀常有盟邊甲已衷拾遺端可拜誅佞筆生風張萬福拜

拾遺王仲舒等
於延英門下

外觀殊偉岸內稟極儉柔欲取漢清議盡投唐濁流鬼
車鳴甚惡猛虎死方羞芳臭須臾判哀哉不善謀

一抨初駭聽雙淚謾求哀極口誣賢者甘心譽彼哉其人
嘗引管仲見擊早知豺不食安用鴆為媒試問高陽里迎車幾

兩來

再和四首

狐鳴工作崇鴉噪每為凶魯觀初尸罪丘門求削蹤謀
身真有窟鑿趾欲無墉鑿墉之趾以益其高力擊延齡去堂堂似

亢宗

舊知偏下石遠避亦傷弓留落周南眾蕭條冀北空萬
言徒飾詐雙淚却由衷王績何曾醉劉蕡本不風

噬人侔虺毒害物比猫柔李義府柔而害物號人猫清議姑驅逐寬
恩未放流劔誅張禹佞扇障褚淵羞諫筆非私忿倦

為國謀

伏閣何其壯登舟得許哀人多稱快者上豈少恩哉惡
草毋留種天桃不待媒九重方遠佞寧放鄭詹來

挽李卿儔老二首

苦說兵財少臣非怯塞垣上思前語驗人歎左遷寬老
大雲中守風寒國北門故交頭白盡空爲賦招魂
人物今衰少惟侯勇智兼悲風起關塞斜日薄岷嶓老
子無從涕諸賢不及髯知心惟蜀李應爲發幽潛

後村居士詩卷之十一

子無從涕諸賢不及髯
知心惟蜀李應爲發幽潛
人物今衰少惟侯勇智兼
悲風起關塞斜日薄岷嶓老
大雲中守風寒國北門
故交頭白盡空爲賦招魂
苦說兵財少臣非怯塞垣上
思前語驗人歎左遷寬老

後村居士詩卷第十二

詩

洛陽橋三首

周時宮室漢時城廢址遺基刻已平乍見橋名驚老眼
南州安得有西京
羸氏曾驅六合人蔡侯只用一州民立犀豈不賢川守
鞭石何須役海神
面跨虛空趾沒潮長鯨吹浪莫漂搖向來徒病川難涉
今日方知海可橋

泉州南郭二首

閩人務本亦知書若不耕樵必業儒惟有桐城南郭外
朝爲原憲莫陶朱
海賈歸來富不貲以身殉貨絕堪悲似聞近日雞林相
祇博黃金不博詩

同安

城不能高甫及肩臨風搔首一懷賢當時矮屋今存否
曾着文公住四年

龍溪道中

曠土茫茫無主名朱門惟恐籍分明老農猶記淳熙事
太息文公志未行

木綿鋪

庵遠人稀行未休風煙絕不類中州何須更問明朝路
纔出南門極目愁

靈著祠

甘寧關羽至今傳名將爲神自古然生不封侯三萬戶
死猶廟食數千年

韓祠三首

柳祠韓廟雙碑在孔思周情萬古新不信二公俱絕筆
別無詩可送迎神

一宵醜類徙南溟靡待仙官勅六丁宗閔與紳空並世
可憐不似鯉魚靈

萊相竹今供戍卒武侯柏亦付胡兒南來獨有昌黎木
神物千年尚護持

留衣庵

老子今年五十三諸方參了又重參誰能遠禮文殊佛
且訪顛師海上庵

潮惠道中

春深絕不見妍華極目黃茅際白沙幾樹半天紅似染
居人云是木綿花

循梅路口四首

顛客紛紛露刃過，斷無微吏敢譏訶。身今自是守盆長，較爾能賢得幾何。

導吏倉忙乞調兵，未應機動遣鷗鷺。傳聞老子單車至，慚愧偷兒讓路行。

鈔法如弓末愈張，可堪於此更求詳。抵應新執牙籌者，拾得研桑肘後方。

三十年來邊宿兵，大農無計飽連營。元來有箇浮鹽策，南渡諸賢未講明。

白雲庵

太行以北海豐南，我與梁公各有慙。兒五十餘親八十，可堪來宿白雲庵。

叱馭庵

所立未如溫太真，詎宜跬步暫忘親。乃知峻坂驅車者，有愧高堂扇枕人。

將至海豐

漁鹽舊俗慣恬熙，兵火新民脫亂離。石路樹陰三十里，今猶髮髻舞平時。

東坡故居二首

嘉祐寺荒誰與葺，合江樓是復疑非。已爲韓子騎驎去，不見蘇仙化鶴歸。

惠州副使是新差定武端明落舊階盡遣秦郎鬼子去
只携周易魯論來

豐湖三首

岷峨一老古來少杭穎二湖天下無帝恐先生晚牢落
南遷猶得管豐湖

小米侍郎生較晚龍眠居士遠難呼不知若箇丹青手
能寫微瀾玉塔圖

作橋聊結衆生緣不計全家落瘴煙內翰翻身脫犀帶
黃門勸婦助金錢

羅湖八首

平生不作賈胡留惟底江邊未發舟瀧吏不須前白事
更忙定要看羅浮

中州無地堪投足垂老携家泛瘴江不愛朱丹畫車轂
且貪紫翠入船牕

歲晚南游訪稚川苔封丹竈尚依然不知的在山中否
萬一歸來說內篇

穎水箕山未脫然直須斷盡世間緣野人曾被朱轡沈
不作天仙作地仙

異境微茫在半霄僊人垂手下相招老來尚有君親念
未敢相陪過鐵橋

衡嶽仙都迹已陳雲臺玉局勅猶新暮年擬乞冲虛觀
長向山中祝聖人

浪跡人間狀似顛草書壁上筆如椽吾評二士皆奇恠

未是真僊亦鬼仙

湖中有白玉蟾
字併懷黃天谷

五更海底湧金輪咫尺蓬萊不遠人欲和蘇詩臨絕頂
可憐漢節尚隨身

扶胥三首

一陣東風掃暄霾天容海色豁然開何須更網珊瑚樹
祇讀韓碑也合來

賜谷扶桑指顧間馮夷得得報平安爲言博望乘槎至
莫作師襄擊磬看

前祭京師奉祝詞尊嚴不比百神祠臺家今歲壽邊急
黃帕封香已過時

兼船一首

鬻筴飛芻瘴海瀕扇遮不斷庾公塵而今更遣兼琛節
羞寫冰銜寄故人

兼諸司二首

白頭忽有印纍纍符牒如山退食遲但見旋添庭下事
不知頓減集中詩

只是從前踈拙身而今結駟昔懸鶉伯鸞老去無遺恨

獨憶同操井臼人

唐子西故居二首

一州兩遷客無地頓竒材方送端明去還迎博士來
無盡頭縱橫晚方攻蔡京猶稱賢宰相應為客先生

風齋堂二首

書子早不動先師四十餘乃知盧行者暗合秀才書
夜夜各跌坐朝朝同打齋不知那箇子曾夢祖師來

羊城使者廟

山川殊壯麗井邑亦繁雄獨有羊城廟蕭然瓦礫中

江南五首

已報行營入猶夸僭壘堅何曾陵谷變但見市朝遷
錢也駭孺子井蛙徒自尊如何南武帝面縛向夷門
具艦逃安往焚巢潰不支區區一州力不足辱王師
宣勸猶疑鴻龍顏笑引觴絡鞍奉明主執挺長降王
身是假皇帝國由內太師偽朝舊宮殿歷歷有遺基

即事十首

香火萬家市煙花二月時居人空巷出去賽海神祠
東廟小兒隊南風大賈舟不知今廣市何似古揚州
俗情重浦飲故事按舟師莫倚無山越閑將作水嬉
占斷百花白摘來三伏涼着身素馨國荀令未為香

瓜果踞拳祝暎羅撲賣聲粵人重巧夕燈火到天明
名荔絕甘冷與莆爭長雄不逢蔡公譜埋沒瘴煙中
吾生分裂後不到舊京游空作焚樓夢安知在越樓
突薪初不戒綆在始言功累甃爲墻壁前人智未工
復關無雅操涉洧有遺音未可繩三尺擯榔當委禽
沐髮眠常晏濡脣飲不多誰云五瘴毒常備四時和

藥洲四首

非有干時策聊爲避地圖昔人補勾漏老子管仙湖
役民如犬馬國破作降俘往往湖中石宣和良嶽無
恠恠竒竒石誰能辨醜妍莫教贊皇見定輦入平泉
觀寺臨湖上亭臺出柳間都忘來五嶺將謂在孤山

登城五首

尉佗故秦吏堪執鄭侯鞭箕踞問使者吾方帝孰賢
已作南夷長那爲北面臣未忘真定冢畢竟是華人
漢人稱勁粵累世不加兵狂卒纔三百如何便縋城
漫費人蒸土常如物潰隄傍疑爲息壤下恐有蟠泥州後
郭外皆鯨浸區中等螳窠若無西鴈翅客子奈愁何

城南

瀕江多海物比屋盡閩人四野方多壘三間欲卜鄰

題蕭令山則文編二首

繭紙銀鈎寫一通殷勤投贈愧空空轍環晚乃交吾子
細載天將富此翁著論未容符獨步操琴欲與愈爭雄
兒童錯認眉間喜疑有珠犀滿篋中

咄咄人皆恠老夫奈何此客去難呼招溫處士爲羅否
待穆先生設醴無我有青芻堪秣馬君言白髮久占烏
人生蟬冕腰金印未抵斑衣膝下娛

題唐察院詩卷二首

細讀公詩屢絕編心知妙處口難傳言言歲歲做堪垂世
歷歷行藏自譜年但覺朱絃餘倡嘆不煩玉斧更雕鐫
小儒可是通身膽擬爲坡仙注大全

不見林夫與子方坦翁健筆亦堂堂孝誠親有終身慕
忠愛君無一餘忘銘坐六章韋作佩入臺五字鐵爲腸
未應徑欲投吟社諫草長留御榻傍

次黃殿講鳴珮亭

誰引扶胥水入城循除終日愛琤琤天風何許珮環響
秋色自然竚籟聲盡洗珠犀寧受沈少留琴鶴未須行
它年父老傳都漕名與濂翁一樣清

廣州勸駕一首

庚子權郡

番禺文物於今盛閩浙彬彬未足夸丞相宅曾住南郭
鼎魁坊止在東家好陳童子二篇策莫看唐人一日花

珍重詔書相勉意士先器識後詞華

廣州都試

時攝帥

自昔番禺統府雄君恩暫許領元戎不羞短髮垂肩白
且愛前旌照眼紅筆久不靈妨草檄臂新無力怯開弓
即今超距多臬俊安用輜車載此翁

燈夕二首呈劉帥

士女如雲服珥鮮暫陪獵較亦欣然清於坡老游杭市
儉似垂崖在劔川使指何功煩卜夜遨頭此念可通天
粵人擁道千層看不見戎鞍三十年

陌上遊人趁筦絃豈知君相尚籌邊細聽野老交談處
猶記兵端未動前草市收燈如許早端門瞻蹕定何年
書生晚抱憂時志歸畫殘灰理舊編

次韻二首併呈倉使

晚霧徐收月色鮮承平物態尚依然斷無颺母起吹海
應有蚌胎還媚川遠俗熙恬猶樂土孤臣流落謾憂天
夜歸聽得輿人語且願新年勝舊年

歸念常如危柱絃春來夢繞白雲邊不知新雪添頭上
但見繁星滿目前即事有詩聊記節披時無策但祈年
二公語妙堪傳遠嚴杜何因可共編

余哭蟾子潮士鍾大鳴有詩相寬次韻

愁眉暫展賴君詩欲以先知覺後知歷引些乾寬此老
未甘羸博塞吾兒寄阿蘭若俄經昔耐短松岡會有期
欲訪巫咸何處在憂來自向理中推

再和

彭聃俱未離乎死况汝孩提未有知自昔丈夫憐少子
即今王母惜孫兒探環尚記曾遊處建鼓應無再見期
三紀七揮兒女淚孰尸壽夭莽難推

蒲澗寺

齊人陳跡此流傳班史蘇詩豈必然故老皆言家即寺
癡兒誤入海求僊莫將劉項分羹鼎來宛巢由洗耳泉
欲採菖蒲無覓處且隨簫鼓樂新年

越臺

南帝當年此築臺稱雄亦豈偶然哉謾通異國求陽燧
不道偷兒飲漆杯能使越人存舊跡始知秦吏有奇才
抵今黃屋歸何處但見牛羊夕下來

次韻劉帥出郊一首

競逐朱轡載酒行熙熙物態與人情浴沂我欲尋儒服
涉洧公方厭鄭聲試問治容邀夜市何如赤脚盪春耕
故山瓜圃應無恙老去深知愧邵平

次韻李倉春遊一首

秋馬從今漸可行
林鳩未好便呼晴
敢云使者乘軺傳
聊爲君王式耦耕
有一日留憂職曠無
三宿戀覺身輕
此生不復持高論
願友臺後與尚平

祝崔丞相三首

先帝謀元帥
煩公護蜀淮
軍皆歌范老
民各像乖崖
北顧猶關慮
西歸已卷懷
早令扶日月
寧不掃氛霾
麻卷揚庭久
蒲輪就道遲
虛傳揚綰用
不奈蔡謨辭
祝柱從渠誚
摧梁得許悲
流傳千載下
猶足勵清規
昔侍瓊花宴
回頭二紀餘
嵇康作書懶
魏勃掃門踈
尚意開黃閣
安知尾素車
蕭然旋馬策
人指相君居

陸賈二首

田橫死士今亡矣
陳稀從車安在哉
獨有尉佗尚黃屋
故應兩費陸生來

酈烹未久崩
幾烹陸子優
游享令名南
帝稱臣橐金返
更推餘智教陳平

浴日亭一首

歸客飄然一葉身
尚能飛屐陟嶙峋
危亭下瞰嵎夷宅
積水上通河漢津
叱馭爲臣前有志
乘桴從我更無人
暮年筆力全衰退
甘與韓蘇作後塵

又追和坡韻一首

亭傍喬木拂雲天亭下高桅泊晚灣白是張鷟曾泛水
青疑徐福所求山羊城隔霧愁回首鯨浸收風喜見顏
却笑金烏并玉兔辛勤出沒雪濤間

白鶴故居

天稔中原禍朝分黨部爭當年誰宰相此地着先生故
國難歸去新巢甫落成如何鯨浸外更遣打包行

唐博士祠

博士位尤卑投名入黨碑今觀名世作多在謫官時太
史沅湘筆儀曹永柳詩新祠綿蕞爾未盡復遺基

六如亭

吳兒解記真娘墓杭俗猶存蘇小墳誰與惠州老舊說
可無杯土覆朝雲

再題六如亭

余既修廢墓立小碑或者未
解此意明年北歸賦此解嘲

昔人喜說墜樓姬前輩尤高斷臂妃肯伴主君來過嶺
不妨扶起六如碑

十五里沙

只見如山白浪飛更堪動地黑風吹渺茫直際九州外
洶湧常如八月時河伯豈能窮海若靈霄僅可嚇吳兒
惜無散髮騎鯨友共了南游一段奇

道中讀李若題壁有感用其韻

淮雪江風裂面寒
往來萬里一征鞍
三千客護曾揮鉄
十九人誰肯捧盤
自古英才多頓挫
只今世運尚艱難
空餘敗壁龍蛇字
黃鶴高飛不復還

後村詩卷第十二

十五里沙

只見如山白浪飛
古基動地異風吹
點沙直際九州外
逐浪頻驚萬壑移
沙灘又今世運尚艱難
沙灘又今世運尚艱難

後村居士詩卷第十三

詩

送項使君季約三首

世有凝香樂君侯，揔未知清齋燈火夕。閉閣荔支時郡
小留難住民愚去，始思兩年案頭筆一字不容私。
但見兩眉顰何曾一饌珍，節如僧更苦家比郡尤貧。琴
鶴均為贅，尊罍頗切身。蕩山有來鴈，莫惜寄聲頻。

送王梅州二首

州境與潮鄰，徐行止浹旬。瘴鄉均一氣，鹽子亦吾民。日
晏煙嵐歛，兵餘戶口貧。定將田里事，閉閣細條陳。
禍始自三槍，苗猶被一方。帝將安渤海，君肯薄淮陽。老
手何憂斷，新眉尚費粧。漢庭褒郡最蚤，晚入為郎。

癸卯上元即席次揚使君韻二首

初陽收久雨，淳祐第三春。聊與衆行樂，稍欣農食新。俱
蒙青帝力，莫問紫姑神。座上遨頭作，流傳遍郡人。
縱觀姑遊目，殷憂欲碎心。馬嘶淮祲，鷓鴣叫蜀冤。深玉
座方停箸，椒塗亦脫簪。好為諫臣論，莫作醉翁吟。

辛卯春日

甫報弓旌召，俄聞彈射攻。匹如飲甘露，諸不能受人惡
言如飲甘露者
不名為有力大
人語見佛書又似斬春風。雲夢吞伊輩，須弥納箇中。

故山多芋栗不必問狙公

挽林煥章二首

昔在端平際臨朝想老成但聞轅固召不見伏生行霜
栢無寒暑朝華有悴榮由來天所靳上壽與高名
東帛徵諸老深衣立一儒鄉人偕獵較童子共風雩屑
屑羞來往兢兢迨舉扶自慚衰竭久書墓覺詞蕪

送趙阜主簿

罷稅無兼局蕭然古解寒士稱爲善類民說是清官力
薄難推轂身輕易起單竹林逢大阮試爲問平安

挽游勉之侍郎二首

不假橫金貴居然比玉溫諸公從上雍一老立東門伯
氏推難弟先師有嫡孫耆英凋落盡舊事向誰論
昔在高陽里曾登夫子堂武城愧言偃畏壘化庚桑病
臂書全闕驚心鑑忽亡平生芻一束道遠不能將

挽唐伯玉常卿二首

身自無安處昇州更廣州逐教子方去死到了翁休鳳
至虞廷喜麟亡魯野愁憂時兼悼友白却九分頭
久欲携尊卿呻吟去未能甫封陶母墓俄吊董生陵言
立何曾死騷招更不謦那須論宿草身盡淚方冰

送居厚弟堂稟二首

俱被光華遣同歸寂寞濱吾災因抱慙子必在埋輪記
憶煩明主招徠到遠臣要須留晚節它日白先人
怕與親朋別那堪送子行天威難俟駕秋暑勿貪程若
見知名士爲言不慧兄孤危托君相耕釣畢殘生

居厚不果行次韻二首

物色來林下安排起海濱居然蒙錦笈幸未駕蒲輪非
我瑕疵女云誰毀譽臣只愁從此去未易致虞人
祖帳方消吉公車已尼行若非露消息未免迫期程水
菽姑娛母茅柴且酌兄未應天祿閣便欠一更生

聞居厚得祠復次韻二首

十一

諸賢必稷下孤士卧漳濱母亦爲投杼兒宜勿斲輪無
書留逐客有些吊纍臣一室纔容榻奚煩問疾人
稍欣公議白又報噴言行上漫招東馬人方毀李程迎
來新觀主伴取老師兄漢士方雲合何須魯兩生

贈蜀士盧石受二首

蜀郡盧夫子沉寘不偶時幽深病梨賦竒怪磔臺詩古
有嚴并李今無曠與夔何當短檠下歷歷即羣疑
井絡纏兵慘瞿塘下棹輕命寧一錢直腹載五車行姑
覽無諸跡休聽望帝聲世無韓十八誰識玉川生

送陳霆之官連州

郡接湖南境孤城若箇邊
蒞寮愁問宿峽石善驚船
官小無迎吏詩工有續編
古人高妙處不過覽山川

挽林承奉

性與聃書合平生寶儉慈
鹿門妻采藥蟾窟子攀枝
君可先賢傳吾勲幼婦碑
衰年窘才思呵凍課哀詩

挽姚漕貴叔

昔建經離亂煩公出拊循
魯宮恢故宇蔡卒即吾人
意文何傷我甘棠尚在民
悲哉元日召當寧記名臣

挽開國陳寺丞二首

昨御祥琴後多傳古語通
虛令占列宿不料奏悲風
華表孫從祖生芻壻吊翁
九原一無憾全璧見先公

伯也不可作叔方猶典刑
公車玉堂薦書室鶴山銘
父上通侯印新營太祝廳
衰年親舊少吟罷涕先零

挽王居之寺丞二首

元老登庸晚同年召用初
惜哉武公耄甚矣董生迂
汾曲廬旋返平津閣浸踈空
令雙鬢白猶待兩輪朱

憶昔陪真率華居用落成
坐賓來墮墮侍女出彈箏
無復吳趨曲空餘楚些聲
九泉見忠簡應問老門生

挽方彝貢士

秋賦曾賓送春知偶脫遺
離羣嗟老境同隊記兒時
終

制從家禮高懷見墓碑亦如陶處士自作謙報詩

題永嘉黃仲炎文卷二首

書坊黃冊誘兒童朝取封侯夕拜公賈董奇材無地立
歐蘇精鑒與人同安知李馬塵門外不覺劉幾入彀中
蚤晚君王求極諫莫教豪傑泣途窮

龍泉筆絕文章煥此作居然可貴珍激處翻嫌董生緩
新來却笑退之陳假令覆瓿無知者尚可藏山待後人
外物區區均糞土祝君愛取不貲身

和吳教授投贈二首

三徑荒涼手自開旋移花竹剪蒿萊休二豈不緣迂惰
屑屑何爲費往來明主祗今鬼墜典故人大半客翹材
索臣方卧漳濱疾錯夢鈞天聽樂迴

袞袞登瀛更上坡且容老子釣煙波鳳麟自合呈祥瑞
鳧鴈何曾繫少多時有耦耕人共語亦無問字客相過
倒囊欲吞驪珠贈亦此家徒四壁何

和張簡簿尉韻

舊案依稀在柏臺寄聲杭本莫翻開駢驢導從兩點挾
羅爵門庭幾客來務觀可堪供史草補之不會作宮梅
男兒盍建橫行策免使君王歎乏材

用王去非侍郎韻二首送林元質提幹秩滿造

朝併呈侍郎

戍滿歸來襪亦剛策名不覺十年彊素無沂國三場志
曾有西山一瓣香臯董未能免科舉孔顏方可語行藏
要爲天下奇男子寧論區區國與鄉
叔季滔滔未見剛每聞健論意差強向來曾勅燈籠錦
老去聊凝畫戟香世運橫流安所止聖朝未會豈容藏
幾回欲上鈐齋謁衰病無因可去鄉

送李用之察院赴潮州二首

烏府名臣暫擁麾霜稜聊復愛春熙行人猶謂駉管避
聖世初無鱷可移粵俗相携看上日韓祠配食付它時
極知不作周南滯禁闥須君補闕遺

昔在番禺鬻筴時警言不敢計從違固知國有三空患
又欲民無再推譏窮裹爲生尤瘠薄牙籌所積恐纖微
公卿文學方矛盾應待囊封決是非

賀王實之得第二子

臞翁活計未全迂老驥新生汗血駒攀桂肯輸郎罷否
分梨還讓阿兄無應陳俎豆爲嬉戲想見詩書被抹塗
報与厨人多釀酒王家例合有三珠

塗抹詩書如老鴉
王川子添丁詩

送方蒙仲赴省

童年甯距已專場何況而今益老蒼天網恢然罩亦爲鵠

朝陽鳴矣革蜩蟬士誰與賀爭同進衆亦推弘諸太常
可惜祠官無氣力不能措笏誦阿房

書事二首

潘柄考亭門人陳均福公
族子皆年七十餘而客死

謙之紉翼迎歸福平甫灰釘送返莆空累兩家營後事
僅留四壁遺諸孤學徒誰是單傳者史藁曾經乙覽無
貧富皆當終牖下招魂何處有神巫

二士平生極好修簞瓢之外尚何求暮年更傍誰門戶
故國寧無某水丘華簣殊非愛曾子短衾自可覆黔婁
小車處士差安穩十二行窩取次游

送葉士巖二首

曾約還轅訪爵羅幾廻掃榻佇經過待先生敬雖如此
與老人期柰後何走馬看花消許急殺雞爲黍誤儂多
吳中故舊還相問一臂偏枯兩鬢皤

向來參請徧諸方恍惚如癡亦似狂雪與膝平猶未退
片從鼻過了無傷拈花弟子知誰悟撼樹羣兒不自量
極欲爲君露消息天寒日短話頭長

甲辰春日二首

買牛搜粟向蠻煙衰病安知璧偶全使者召歸曾四輩
臣之得罪又三年柳劉漏語誰云介絳灌憐才定不然
縱使有泉堪洗耳先生此媿若爲瀟

學問過時已悍堅文章垂老未精專
董寒何患無磨載秋扇明知有棄捐
舊讀溫尋渾不記新吟鍛鍊久方圓
此生幸不當詞翰免被人嘲上水船

題小室二首

已向深林卓小庵是中僅可着禪龕
士師何止三無愠中散居然七不堪
一去重華那復得方當盛漢勿多談
近來弟子俱行脚誰伴山僧面壁參

阡陌東西山北南半生常帶散人銜
何曾墨夢芥八九一任狙公茅四三
閣上大夫投欲死甕間吏部寢方酣
可憐子駿無家法下見先人面有慚

送表弟方時父

棄置空村飽世情高軒乃肯顧柴荆
韓甥殷浩貧親戚李益盧綸外弟兄
兩鬢蕭疎驚老大一燈明滅話平生
刺桐花下逢子季多致詩人未害清

葉桂發助教從李用之祕監于潮陽李持節使

廣部葉舜歸福唐小詩話別

賀監空多惜別情木綿花得似三荆
打包便是參禪客垂索何須使鬼兄
小郭今寧無趙子四門古亦有歐生

歐陽詹為四門助教南轅不涉貪泉境歸去詩腸徹底清

寄題建陽馬氏晚香堂

自鉏空曠汲潺湲占斷清溪第幾灣
傍九日開優歲晏
居千花歿覺天慳
食英飲露平生事
遺臭流芳一念間
菊不負君君負菊
年年秋不在家山

贈施道州二首

施先生學有源流家自長安徙益州
疇昔建牙當一面
祇今失國託諸侯
身儔嶽麓無生計
目斷岷峨起暮愁
聞道漢廷須黼黻
蜀珍那得此淹留

明塵突過劔門關
西顧于今尚未寬
早晚相如通楚道
蒼皇子美問長安
拮据自笑營巢拙
枿鑿明知合轍難
縱有望鄉樓百尺
淡煙衰草莫凭欄

送楊彥極提刑二首

閩蜀相望萬里遙
敢圖斗壘屈魁杓
南州處士蒙殊禮
魏府牙兵不更驕
邦伯如今安得結
國人它日會思僑
辦香垂去猶精禱
果有甘霖溉旱苗

繡斧翩翩向福唐
百城斂衽避風霜
夢迴桑下初何戀
手植棠陰故未忘
判筆有神皆可錄
抄書無數即行裝
從今病叟牢扃戶
莫望嚴公訪草堂

題陳霆詩卷

讀它人作多遺恨
君似連城壁少瑕
楮葉國工如許刻
昔嘗浦靈物偶然
花今無摩訶羅
携同宿後有荆公
選百家

不惜矮牕殘燭下與將朱筆擷菁華

夢方孚若二首

仙鬼微茫果是非不如遼鶴有歸期
鑄成范蠡何嗟又繡作平原未必知
歌扇舞裙風雨散野田荒草古今悲
可憐一覺寒牕夢猶記駸駸出塞時

寤寐中原獨着鞭往來絕域幾餐糧
封侯反出李蔡下成佛却居靈運先
八百里烹饗軍餉九千縑董作碑錢
祇今誰是田橫客回首荒墟一慨然

哭孫季蕃二首

歲晚湖山寄幅巾浩然不見兩眉壘
看花李益無同伴

顧曲周郎有後身厚祿殷勤營葬地
隱君歡喜得吟鄰

唐人題李白墳云誰移
耒陽冢來此作吟鄰看來造物於君厚
判斷風光七十春

每歲鶯花要主盟一生風月最關情
相君未識陳三面兒女多知柳七名
自有菊泉供祭享不消麥飯作清明
老身獨殿諸人後吟罷無端雪涕橫

懷曾景建二首

造物生才自昔難此君天矯類龍鷲
聖賢本柄藏椰子佛祖機鋒寓棘端
疇昔諸人多北面暮年萬里着南冠
傷心海內交游盡篋有遺書不忍看

曾有春陵逐客篇流傳哀動紫陽仙安知太白長流處
亦在重華野葬邊碎板一如坡貶日蓋棺不見檜薨年
誰云老眼枯無涕聞說臨川即泫然蔡季通貶道州君
子微君獨典刑青雲伯夷傳白首太玄經有客憐孤憤
無人問獨醒瑤琴空鎖匣絃斷不堪聽晦翁喜之手書
其詩君亦貶
死道州異矣

內翰洪公舜俞哀詩二首

憶昔端平典冊新三麻九制筆如神內庭喚作真學士
晚輩推為老舍人垂死遺言尤苦口平生諫疏最與鱗
建邛不作於潛死誰為君王說厚倫

回首揚州一夢餘故交已直玉堂廬寒暄未省通君實
窮薄空煩誦子虛甚媿文人於甫厚孰云夫子不回如
君除中舍
卒余自代殘年無復陪精論開闔平生幾幅書

送李漕用之二首

斜飛慶曆皇華遠捷出熙寧使指新但記歐公更此職
不知趙濟是何人為常平効
富公者剡章徧及孤寒士奮筆先
誅聚斂臣自歎暮年衰颯甚羨君老手獨埋輪

漢廷鹽鐵議交攻有詔姑惟舊法從聞道嶺南歌聖主
一如河北感 仁宗向舒自是堪王佐桑孔安知富大
農它日公歸奉清問可無鯁論贊烹封

答謝法曹

二詩簡澹掃穠華作者幾無以復加璧十五城方定價
桃三千歲一開花選騷意度卑唐體晉宋文章諱謝家
莫道老夫今耄矣平章此事不應差

次王實之家塾韻

新敬朱甍映碧岑高門誰識慶源深時郊已解傳家學
石禮皆堪直禁林介甫七葉文章真有種二郎官職本
無心庭前玉樹成陰未着手栽培昉自今王筠云未有
七葉之中名
德重光爵位相繼人
人有集如吾門者

喜湯伯紀登第

老覺人間無一忻恠來乾鵲耳邊聞休嗔窮鬼揶揄我
絕喜春官摸索君疇昔先生有高第即今後死與斯文
不應也躍看花馬忘却江天樹與雲

三月二十一日泛舟十絕

少游欵段何從借伯厚雞栖未易求看取後村翁簡徑
百錢聊稅一漁舟

退之歲晚南溪上把釣聯詩得幾廻便與烏衣羣從約
及身強健更頻來

向來平勃頗相知使粵歸來歲月移只以一篙爲道從
亦無劍馬可相隨

橋低水漲過船難旋折船蓬復旋安未免屈蟠蓬底坐

誰教君愛切雲冠

弟兄玉映更珠聯豈減元暉與惠連卻笑漢人無具眼
羨亡李郭作神仙

眉洲嶼隔雪濤中聞此山川髮髯同但是至人游息地

邦人處作離宮

雖沉璧馬計安施倏忽桑田變渺瀰說與神通君看取
潮頭不到艮山祠

溪北溪南一雨通山村佳處便掀蓬老身不怕無安處
着在漁翁保社中

稚子呼牛婦饁耕早秧水足麥風清老農喜極還垂涕
白首安知再太平

本朝著舊數吾宗老監軒昂洛社中後五百年人定說
過江復有戴花翁

三月二十五日欽方校書園十絕

纔入中年會面難安知白首此團樂不妨時駕柴車出
只作初騎竹馬看

伯兄廼漢司徒掾李子亦唐行祕書只願荆花常爛熳
莫令瓜蔓稍稀疏

自古根深枝葉蕃百年喬木到今存只留諫草傳家世
莫看輶車辱戶門

楷彦回以輶車給從弟昭
昭大怒曰着此辱門戶

西舍鳴笳索賦詩東家拽石請書碑眼中除却壺山外
多是新知少舊知

呼來不許望清光麾去奚堪作省郎莫是後身劉快活
插花重入少年場

石室千年不復開庭花無語委蒼苔席間舊客惟故叟
白髮重將發盡來

空留鮮石仆斜陽不見竒章與贊皇何必雍門彈一曲
蟬聲極意說淒涼

百年如電復如風昨日孩提今日翁乍可生前稱醉漢
也勝死後謚愚公

早退分明勝一籌年行六十復何求東門瓜與南山豆
誰道君恩薄故侯

後有良工識苦心今無善聽孰知音老來字字趨平易
免被兒童議刻深

題江貫道山水十絕

世間平遠景萬幅在洪家晚至番君國方知不是夸

有樓名方
幅平遠

一棹微茫裏孤亭紫翠間恍疑涉彭蠡又似訪廬山
江險不容極禹功胡可忘向來小龍子衮冕食千羊
夾立朝羣玉濃粧列萬笄中州不敢頓拋在瘴雲西

茆山千萬疊不得見天全帆出扶脊口無山只有天
雪冒禹碑石雲埋泌草堂草知抱遺恨悔不挾乾糧
半夜黃天蕩樓船雪浪中當年草檄客今日負樵翁
太武求澗處之祁着鑠邊淮風晨裂回淮浪夜驚船
展卷嗟丘也東西南北人昔還行脚債今作卧遊身
一匹好東絹天寒家未溫儘教兒拆繡閑管婦無禪

後村居士詩卷之十三

